

釋氏十


三經註

疏

法華經通義

卷九之
十二

冊八廿



妙法蓮華經通義卷第九

經文卷四上

明南嶽沙門憨山釋德清述

五百弟子受記品第八

此品來意五百弟子聞前法喻二周五人得記復
不聞宿世因緣之事乃知佛以無量神通方便引導
眾生原下一乘之種子爾乃的信佛心亦信自心
隨決定成佛疑慮頓盡故云心淨志慕授記故云踊
躍堪荷家業父子情忘故云深心本願唯佛能知
故世尊與千二百各同授記以滿出世本懷也故
此結集者以授字爲品謂旣發大信堪當荷受故

此品來也。經舉千二百人。品標五百者。以五百爲
千二之上首故。百谷同。聖蹟。出世本對。出姑
爾時富樓那彌多羅尼子。從佛聞是智慧方便隨宜
說法。又聞授諸大弟子阿耨多羅三藐三菩提記。復
聞宿世因緣之事。復聞諸佛有自在神通之力。得
未曾有。心淨踊躍。卽從座起。到於佛前。頭面禮足。卻
住一面。瞻仰尊顏。目不暫捨。

此結集者敘致滿慈領悟之情也。從佛聞是等者。
謂聞法說二智甚深。喻說三車一車隨宜之權。同
輩五人各得授記。今聞往昔大通之因緣。導師化

城之神通。此上諸事。皆一向所未曾聞者。所以得未曾有也。先是未聞此法。則尙懷疑。執悋小果。旣聞開示。則疑惑消除。故曰心淨。自信成佛可期。故踊躍歡喜。故嚴整三業。卻住瞻仰。冀佛授記也。而而作是念。世尊甚奇特。所爲希有。隨順世間若干種性。以方便知見而爲說法。拔出眾生處處貪著。我等於佛功德。言不能宣。唯佛世尊能知我等深心本願。此述滿慈之辭也。歎佛甚奇特希有者。因聞三周開示。領契佛心。故發歎也。隨順世間拔出貪著等。正歎奇特希有之事也。空生於般若會上。忽見世

尊護念付囑之心。故歎希有。乃不言而喻。今滿慈
歷聞三周之說。具見如來大慈大悲。無非護念付
囑之心。令五性三乘遠令離著。是爲甚奇希有之
事。蓋因言而悟也。世尊前云迦葉等不能盡知如
來真實功德。滿慈自謂我等於佛功德。其實言不
能宣。然我等深心助宣佛法。護願流通。意欲得記
此心亦不能言。唯佛世尊證知我心。固不待言。前
迦葉等自述領悟。尙有許多綢繆疑慮之情。今滿
慈但云深心本願。唯佛證知。則從來不疑於佛。將
顯內祕之本。以發下根劣解之信。卽此是爲助宣

之意也。故居于二百首。良有以也。

爾時佛告諸比丘。汝等見是富樓那彌多羅尼子不。我常稱其於說法人中最爲第一。亦常歎其種種功德。精勤護持。助宣我法。能於四眾示教利喜。具足解。釋佛之正法。而大饒益同梵行者。自捨如來。無能盡其言論之辯。

此下世尊歷敘滿慈內秘外現。助宣佛法之事。以述成其深心本願如此也。汝等見是下。述滿慈現前助宣釋迦之法有如此者。滿慈最善說法。故世尊稱爲說法第一。捨如來不能盡其言論之辯。此

述善說之極也。

汝等勿謂富樓那但能護持助宣我法。亦於過去九十億諸佛所。護持助宣佛之正法。於彼說法人中亦最第一。又於諸佛所說空法。明了通達。得四無礙智。常能審諦清淨說法。無有疑惑。具足菩薩神通之力。隨其壽命常修梵行。彼佛世人咸皆謂之。實是聲聞。而富樓那以斯方便。饒益無量百千眾生。又化無量阿僧祇人。令立阿耨多羅三藐三菩提。爲淨佛土故。常作佛事教化眾生。

此述滿慈於過去佛所護持助宣之事。亦見其深

心本願也。空法通達。言達實相真空也。四無礙。說法之辯也。唯佛能全。滿慈亦具。常能審諦。則觀根逗機。清淨說法。則不著法相。無有疑惑。則決定說。具足菩薩等。則內秘外現。而人不知密行。皆謂實是聲聞。但知其跡也。所化多眾。令立菩提。則所說者非小法也。淨土化生。非小行也。皆是深心本願之事。

諸比丘。富樓那亦於七佛說法人中而得第一。今於我所說法人中亦爲第一。於賢劫中當來諸佛說法人中亦復第一。而皆護持助宣佛法。亦於未來護持

助宣無量無邊諸佛之法。教化饒益無量眾生。令立
阿耨多羅三藐三菩提。爲淨佛土。故常勤精進教化
眾生。漸漸具足菩薩之道。

上述遠事過去多佛。此述近事過去七佛也。過去
諸佛雖多。在莊嚴劫之最後。謂毘婆尸。尸棄。毘舍
浮。三佛。及賢劫初。謂拘留孫。拘那含。迦葉。至我釋
迦四佛。通爲七佛。此其近劫相傳心印之佛也。自
此已往。賢劫將來。至星宿劫諸佛。一一佛所。皆能
護持助宣佛法。專以說法爲行。淨土化生。具菩薩
道。以爲成佛之基也。前五人得授因記。世尊但說

齊親近供養諸佛之行而已。今滿慈因記備述助宣其護法之事。如此之詳至者。以世尊密意。專重護持正法。廣結成佛之緣。爲大行也。故因中不必更修。四餘行。唯以助宣護持佛法爲第一妙行。而向後歷四歷。囑其持經。廣歎法師功德。皆此意也。

過無量阿僧祇劫。當於此土得阿耨多羅三藐三菩提。號曰法明如來。應供。正徧。知。明。行。足。善。逝。世。間。解。無。上。士。調。御。丈。夫。天。人。師。佛。世。尊。其。佛。以。恆。河。沙。等。三。千。大。千。世。界。爲。一。佛。土。七。寶。爲。地。地。平。如。掌。無。有。山。陵。谿。澗。溝。壑。七。寶。臺。觀。充。滿。其。中。諸。天。宮。殿。近。處。

虛空人天交接。兩得相見。無諸惡道。亦無女人。一切
眾生皆以化生。無有姪欲。得大神通。身出光明。飛行
自在。志念堅固。精進智慧。普皆金色。三十二相而自
莊嚴。其國眾生常以二食。一者法喜食。二者禪悅食。
有無量阿僧祇千萬億那由他諸菩薩眾。得大神通。
四無礙智。善能教化眾生之類。其聲聞眾。算數校計
所不能知。皆得具足六通。三明及八解脫。其佛國土
有如是等無量功德莊嚴成就。劫名寶明。國名善淨。
其佛壽命無量阿僧祇劫。法住甚久。佛滅度後。起七
寶塔徧滿其國。

此滿慈得記也。以因中弘法傳佛心印故不離當處而證菩提。故果記當於此土得菩提也。顧此娑婆本穢而滿慈果土純一清淨者。足見卽穢卽淨。密示實相真土矣。但隨心轉變。於是可知。以因中於諸空法明了通達。故果號法明。以稱法性淨土。利生廣大無量。故果感依報以恆沙娑婆通爲一土。以平等大悲清淨說法。故依報國土地平如掌。無有山陵。以稱法性建立諸法。故七寶臺觀充滿其中。以當說法淨穢情亡。善惡平等。故人天交接兩得相見。無諸惡道。因中常修梵行廣化眾生。故

果土無有女人婬欲。眾生皆是化生。清淨說法之報也。眾生不從婬欲而生。故身出光明。永離欲縛。故飛行自在。眾生皆以從法化生。故志念堅固。精進智慧。無諸雜亂妄想也。身皆金色。離欲之報也。眾生以食爲命。國人既皆化生。則不攝受欲食。故唯以法喜禪悅爲食也。從來但說教菩薩法。故眷屬皆大菩薩。而聲聞亦多者。以漸漸具足菩薩之道。是亦願力所攝之眾也。上皆依報莊嚴也。劫名寶明。以法寶圓明故。時非五濁。故國名善淨。亦隨清淨說法之因也。壽命但云無量。而不言數。法住

不言正像。但云甚久而不定其期。此以稱性說法。以法性本無始終。故慧命常住。正法恆存。滅後起塔徧滿其國。此滿慈說法之因果。獨記如此。足知如來密意。獨顯持經功勝也。且娑婆世界。乃釋迦之化土也。名五濁惡世。眾苦所聚。名爲堪忍。其國山陵溝壑。高下不平。便利不淨。穢惡充滿。眾生淫欲。沈淪生死之地。乃小乘之所厭怖。如牢獄桎梏。長辭而不敢再入者。今滿慈得記。不離此土而證菩提。地平如掌。國土清淨之若此。絕無女人。眾生化生。身相光明之若彼。又以無量娑婆通爲一土。

其廣大又如此者。此正特示二乘開佛知見。則狹陋消除。取捨情亡。欣厭心息。卽目前所遇。純是華藏莊嚴清淨實報之佛土。更不向外馳求。直下不疑頓登佛地。此授記之功。畢現於此。卽下根劣解。豈不自信。而甘自外於佛知見乎。國土淨穢。隨心轉變。詎不信哉。觀此足見如來化生之善巧。誠謂佛智不可思議矣。若以此記與眾例視。而輕忽之。則不達如來微妙之意也。

爾時世尊欲重宣此義。而說偈言。
諸比丘諦聽。佛子所行道。善學方便故。

不可得思議

知眾樂小法

而畏於大智

是故諸菩薩

作聲聞緣覺

以無數方便

化諸眾生類

自說是聲聞

去佛道甚遠

度脫無量眾

皆悉得成就

雖小欲懈怠

漸當令作佛

內秘菩薩行

外現是聲聞

少欲厭生死

實自淨佛土

示眾有三毒

又現邪見相

我弟子如是

方便度眾生

若我具足說

種種現化事

眾生聞是者

心則懷疑惑

今此富樓那

於昔千億佛

勤修所行道

宣護諸佛法

爲求無上慧

而於諸佛所

現居弟子上

多聞有智慧

所說無所畏

能令眾歡喜

未曾有疲倦

而以助佛事

已度大神通

具四無礙智

知諸根利鈍

常說清淨法

演暢如是義

教諸千億眾

令住大乘法

而自淨佛土

未來亦供養

無量無數佛

護助宣正法

亦自淨佛土

常以諸方便

說法無所畏

度不可計眾

成就一切智

供養諸如來

護持法寶藏

其後得成佛

號名曰法明

其國名善淨

七寶所合成

劫名爲寶明

菩薩眾甚多 其數無量億 皆度大神通

威德力具足 充滿其國土 聲聞亦無數

三明八解脫 得四無礙智 以是等爲僧

其國諸眾生 姪欲皆已斷 純一變化生

具相莊嚴身 法喜禪悅食 更無餘食想

無有諸女人 亦無諸惡道 富樓那比丘

功德悉成滿 當得斯淨土 賢聖眾甚多

如是無量事 我今但略說

此頌通述弟子內秘外現之事也。滿慈與身子等

十大弟子皆同德也。獨露權應之跡。居千二百之

首正示特爲引進鈍根之方便。將令知恩而信解也。然聲聞有權現。有實果。若干二百人。皆實果鈍根。苟知滿慈等權應之跡。必能捨小而信大矣。故世尊於此發其秘耳。今此下三十句通頌權現護宣之行。其後下二十二句別頌滿慈授記之事。富樓下六句結頌可知。言但略說則功德不可思議矣。

爾時千二百阿羅漢心自在者。作是念。我等歡喜得未曾有。若世尊各見授記。如餘大弟子者。不亦快乎。佛知此等心之所念。告摩訶迦葉。是千二百阿羅漢。

我今當現前次第與授阿耨多羅三藐三菩提記。
此千二百請記也。以如來歎滿慈宿因深厚。非千
二百之所敢望。今聞佛開示。本爲接引鈍根。亦各
自信有成佛之分。故歡喜以請。佛知眾心。故告迦
葉者。然已遂本懷。中心自快。故特告上首。正如同
事之人。事偕而相慶意也。

於此眾中。我大弟子。憍陳如比丘。當供養六萬二千
億佛。然後得成爲佛。號曰普明如來。應供。正徧知。明
行足。善逝。世間解。無上士。調御丈夫。天人師。佛。世尊。
其五百阿羅漢。優樓頻螺迦葉。伽耶迦葉。那提迦葉。

迦留陀夷。優陀夷。阿菟樓駄。離婆多。劫賓那。薄拘羅。周陀。莎伽陀等。皆當得阿耨多羅三藐三菩提。盡同一號。名曰普明。

此授五百弟子記也。釋尊初於鹿苑三轉四諦法輪。度參侍五人。而憍陳先悟。以最初得度。故居僧首。乃實果羅漢之領袖。故五百中特表而出之。獨爲授記。示異等也。授記不言因行。意有前列六人可法也。果號普明。以開佛知見。入佛智慧。無復癡暗也。偈云。常放大光明。常說無上道。故得此號。其五百羅漢盡同一號。其德同也。不言劫國等事。頌

中具之。經有長頌廣略互見之式。

爾時世尊欲重宣此義而說偈言。

憍陳如比丘

當見無量佛

不過阿僧祇劫

乃成等正覺

常放大光明

具足諸神通

名聞徧十方

一切之所敬

常說無上道

故號爲普明

其國土清淨

菩薩皆勇猛

咸升妙樓閣

遊諸十方國

以無上供具

奉獻於諸佛

作是供養已

心懷大歡喜

須臾還本國

有如是神力

佛壽六萬劫

正法住倍壽

像法復倍是

法滅天人憂

其五百比丘

次第當作佛

同號曰普明

轉次而授記

我滅度之後

某甲當作佛

其所化世間

亦如我今日

國土之嚴淨

及諸神通力

菩薩聲聞眾

正法及像法

壽命劫多少

皆如上所說

迦葉汝已知

五百自在者

餘諸聲聞眾

亦當復如是

其不在此會

汝當爲宣說

此頌陳那之記以標眾也。僑陳下十句頌正報果

號其國土清淨下頌依報眷屬佛壽下四句頌壽

命法住其五百下八句頌例五百次第成佛其所

化世間亦如我今日則所化之機皆先權後實也
而國土之嚴淨下六句頌依報眷屬法壽一一皆若
大憍陳也迦葉汝已知下六句舉五百以例餘七百
皆得果記相同也此千二百授記之文不詳陳因
行者以鈍根羅漢且令生信至若事佛功行又待
各自發心耳不敢遽以難行所怖之事加之此如
來將護之意也

爾時五百阿羅漢於佛前得授記已歡喜踊躍卽從
座起到於佛前頭面禮足悔過自責世尊我等常作
是念自謂已得究竟滅度今乃知之如無智者所以

者何。我等應得如來智慧。而便自以小智爲足。此五百自述領悟之懷也。我等應得等。謂一向自以失於如來智慧。今日乃知本不曾失。但我等自以小智爲足耳。此領悟也。

世尊。譬如有人。至親友家。醉酒而臥。是時親友官事當行。以無價寶珠。繫其衣裏。與之而去。其人醉臥。都不覺知。起已遊行。到於他國。爲衣食故。勤力求索。甚大艱難。若少有所得。便以爲足。於後親友會遇見之。而作是言。咄哉丈夫。何爲衣食。乃至如是。我昔欲令汝得安樂。五欲自恣。於某年日月。以無價寶珠。繫汝

衣裏。今故現在。而汝不知。勤苦憂惱。以求自活。甚爲癡也。汝今可以此寶貿易。所須常可如意。無所乏短。佛亦如是。爲菩薩時。教化我等。令發一切智心。而尋廢忘。不知不覺。旣得阿羅漢道。自謂滅度。資生艱難。得少爲足。一切智願。猶在不失。今者世尊覺悟我等。作如是言。諸比丘。汝等所得。非究竟滅。我久令汝等種佛善根。以方便故。示涅槃相。而汝謂爲實得滅度。世尊。我今乃知實是菩薩。得受阿耨多羅三藐三菩提記。以是因緣。甚大歡喜。得未曾有。

此領因緣之說。設喻自況也。大通智勝十六王子。

并無數人民。如親友也。王子說法華經。比爲我等
已下一乘緣種。如繫珠也。是時不悟。如醉臥也。自
此迷淪生死。如遊行他國。退住聲聞地。故若少有
得便以爲足也。於後親友會遇。如今遇釋尊。咄哉
者。喻昔日彈呵也。指示衣珠。喻今開佛知見。令悟
本有佛性也。此喻昔失今得。佛亦如是。下法合昔
因。今者世尊下法合今緣。我今乃知等法合今得。
故甚大歡喜得未曾有也。

爾時阿若憍陳如等。欲重宣此義。而說偈言。
我等聞無上。安隱授記聲。歡喜未曾有。

禮無量智佛。取是今於世尊前。昔因自悔諸過。咎於無量佛寶。得少涅槃。分財如無智愚人。今便自以爲足。譬如貧窮人。昔夫往至親友家人。其家甚大富。令具設諸肴膳。以無價寶珠。繫著內衣裏。默與而捨去。時臥不覺。知是人既已起。遊行詣他國。求衣食自濟。資生甚艱難。得少便爲足。更不願好者。不覺內衣裏。有無價寶珠。與珠之親友。後見此貧人。苦切責之。已示以所繫珠。貧人見此珠。其心大歡喜。富有諸財物。

五欲而自恣

我等亦如是

世尊於長夜

常愍見教化

令種無上願

我等無智故

不覺亦不知

得少涅槃分

自足不求餘

今佛覺悟我

言非實滅度

得佛無上慧

爾乃為真滅

我今從佛聞

授記莊嚴事

及轉次受決

身心徧歡喜

不覺不覺

此橋陳頌述今得悔責昔失也我等聞無上三句

慶今得也禮無量下七句悔昔失也譬如貧窮人

下十六句頌喻昔緣與珠之親友下八句頌喻今

緣我等亦如是下八句頌合昔因今佛下四句頌

合今緣。我今下四句。總頌得記。故自慶也。

授學無學人記品第九

此品來意。由前三周開示。當機聞已。各信自心。不疑佛說。故上首弟子。自無學。并五百及千二百。皆久受教化。各得受記。業已安慰其心矣。尙有新學聲聞。若阿難羅睺等。各願得記。以滿眾望。以見佛平等之慈。故各爲授記。因以名品。故此品來也。然佛性有三種因。謂正因。緣因。了因。三因若顯。成佛無疑。人人本具。故爲正因。要假教法知識助發。乃顯。故爲緣因。自信了悟。故爲了因。若舍利弗等五

法華通事卷九
人。了悟之速者。乃正因深厚也。若五百弟子者。廣引昔緣以見久受教化。乃緣因熟也。而緣因之中。有親有因。起信論云。或示親友。今學無學輩。若弟若子。是緣因之中。而最親者。無不得度之理也。故盡授記。方見如來平等慈悲之意。故次前品。

爾時阿難羅睺羅而作是念。我等每自思惟。設得授記。不亦快乎。卽從座起。到於佛前。頭面禮足。俱白佛言。世尊。我等於此。亦應有分。唯有如來。我等所歸。又我等爲一切世間天人阿脩羅所見。知識阿難常爲侍者。護持法藏。羅睺羅是佛之子。若佛見授阿耨多

羅三藐三菩提記者。我願既滿。眾望亦足。爾時學無
學聲聞弟子二千人。皆從座起。偏袒右肩。到於佛前。
一心合掌。瞻仰世尊。如阿難羅睺羅所願。住立一面。
此記有學眾也。蓋學於無學。故名有學。乃新學小
聲聞耳。阿難爲佛弟。羅睺爲佛子。所謂攝受親也。
因見千二百無學。皆得授記。乃遺有學。故思惟以
請。然阿難多聞。羅睺密行。皆內祕之儔。今列有學
者。以有學不敢希記。向以成佛非己智分。不知所
請。若不假大權引導。則不蒙佛指名的授。以決眾
疑。故示居此耳。以二尊宿爲眾知識。今列學眾。若

得記莚。則皆可得矣。故曰。我願旣滿。眾望亦足。爾
時學無學二千人。因見阿難啟請。故一心同請。
爾時佛告阿難。汝於來世當得作佛。號山海慧自在
通王如來。應供。正徧知。明行足。善逝。世間解。無上士。
調御丈夫。天人師。佛世尊。當供養六十二億諸佛。護
持法藏。然後得阿耨多羅三藐三菩提。教化二十千
萬億恆河沙諸菩薩等。令成阿耨多羅三藐三菩提。
國名常立勝旛。其土清淨。琉璃爲地。劫名妙音徧滿。
其佛壽命無量千萬億阿僧祇劫。若人於千萬億無
量阿僧祇劫中。算數校計。不能得知。正法住世。倍於

壽命像法住世復倍正法阿難是山海慧自在通王
佛爲十方無量千萬億恆河沙等諸佛如來所共讚
歎稱其功德爾時世尊欲重宣此義而說偈言
我今僧中說阿難持法者當供養諸佛
然後成正覺其號曰山海慧文曰自在通王佛
其國土清淨名常立勝旛教化諸菩薩
其數如恆沙佛有大威德名聞滿十方
壽命無有量以愍眾生故正法倍壽命
像法復倍是如恆河沙等無數諸眾生
於此佛法中種種佛道因緣

此阿難多聞持佛法藏。智慧高深。通達自在。故果
號如之。教化二十千萬億恆沙菩薩。則唯以大法
攝化。純一無雜也。國名常立勝旛。則以正法摧邪。
尊勝如幢。劫名妙音徧滿。則法音所感。壽命不可
校計。法住倍之。則法性常住之應也。以持諸佛法
藏。故諸佛讚其功德。頌偈如文可知。五嚴王勸
爾時會中新發意菩薩八千人。咸作是念。我等尙不
聞諸大菩薩得如是記。有何因緣。而諸聲聞得如是
決。

新發意菩薩聞阿難記而生疑者。將以啟其夙因。

也。其所疑者。以壽命法住遠而無極也。

爾時世尊知諸菩薩心之所念。而告之曰。諸善男子。我與阿難等於空王佛所。同時發阿耨多羅三藐三菩提心。阿難常樂多聞。我常勤精進。是故我已得成阿耨多羅三藐三菩提。而阿難護持我法。亦護將來諸佛法藏。教化成就諸菩薩眾。其本願如是。故獲斯記。

此世尊發明阿難遠因。以釋大眾之疑也。以阿難與佛同時發心。但佛願度生。故勤精進。阿難樂多聞。故願持法藏。法性無量。故壽命無窮。純教菩薩。

法華通義卷九
故國無二乘。其本願如此。故果亦如之。諸弟子獨
滿慈阿難特異於眾。蓋重持法之功也。

阿難面於佛前。自聞授記。及國土莊嚴。所願具足。心
大歡喜。得未曾有。卽時憶念過去無量千萬億諸佛
法藏。通達無礙。如今所聞。亦識本願。爾時阿難而說
偈言。

世尊甚希有。令我念過去。無量諸佛法。

如今日所聞。我今無復疑。安住於佛道。

方便爲侍者。護持諸佛法。

阿難因聞佛記。又述昔因。卽能憶念過去無量諸

佛法藏亦識本願。卽如善財於彌勒樓閣前聞彈指之聲。頓見閣中無盡諸佛境界。是知諸佛法藏乃阿難閨閣中物耳。偈言方便爲侍者。正是自識本願。則不可與諸悔失慶得者同日語也。記獨異衆宜矣。阿難宿因如此。楞嚴摩登之事。豈顛倒夢想乎。

爾時佛告羅睺羅。汝於來世當得作佛。號蹈七寶華如來。應供。正徧知。明行足。善逝。世間解。無上士。調御丈夫。天人師。佛世尊。當供養十世界微塵等數諸佛如來。常爲諸佛而作長子。猶如今也。是蹈七寶華佛。

國土莊嚴。壽命劫數。所化弟子。正法像法。亦如山海
慧自在通王。如來無異。亦爲此佛而作長子。過是已
後。當得阿耨多羅三藐三菩提。爾時世尊欲重宣此
義而說偈言。

我爲太子時

羅睺爲長子

我今成佛道

受法爲法子

於未來世中

見無量億佛

皆爲其長子

一心求佛道

羅睺羅密行

唯我能知之

現爲我長子

以示諸眾生

無量億千萬

功德不可數

安住於佛法

以求無上道

昔此羅睺羅得記也。羅睺密行第一。今記得果。號蹈
悉七寶華。則所履微密妙行所感也。爲佛長子。言能
者克荷家業。意表成佛以行爲首也。其國土壽命眷
悉屬法住。皆與阿難等者。顯聞思修行本無異。慧命
類均等。故果報亦等。理宜然也。

爾時世尊見學無學二千人。其意柔輒。寂然清淨。一
心觀佛。佛告阿難。汝見是學無學二千人不。唯然。已
見。阿難。是諸人等。當供養五十世界微塵數諸佛如
來。恭敬尊重。護持法藏。末後同時於十方國各得成
佛。皆同一號。名曰寶相如來。應供。正徧知。明行足。善

逝世間解。無上士。調御丈夫。天人師。佛世尊。壽命一
劫。國土莊嚴。聲聞菩薩。正法像法。皆悉同等。爾時世
尊欲重宣此義而說偈言。正法像法。皆悉同等。爾時世
是二千聲聞。今於我前住。悉皆與授記。
未來當成佛。無所供養諸佛。如上說塵數。
護持其法藏。後當成正覺。各於十方國。
悉同一名號。俱時坐道場。以證無上慧。
皆名爲寶相。國土及弟子。正法與像法。
悉等無有異。咸以諸神通。度十方眾生。
名聞普周徧。漸入於涅槃。

爾時學無學二千人。聞佛授記。歡喜踊躍。而說偈言。
世尊慧燈明。我聞授記音。心歡喜充滿。
如甘露見灌。

此普授有學眾記也。此有學眾皆新學聲聞眾。皆
知其難。並無學者也。一概特記。恐眾見疑。故世尊
先言其意柔輒。寂然清淨。則因聞妙法。已踐無學
之境。堪當得記。眾所未知。所以佛告阿難。汝見是
二千人不意。謂可曾見此眾現前領悟之心也。以
此示之。潛消眾疑。故爲授記。以因中護持法藏。故
果號寶相。謂以佛法寶藏爲自莊嚴也。壽命劫國

法華通義卷九
三三
等皆悉同者。以因同也。此二千人。向於法中未見
行事。故記亦大略不一也。頌文可知。言漸入於
涅槃。則亦以三乘化導也。既聞記已。歡喜踊躍。故
說偈讚謝。

法師品第十

此品來意。由前世尊廣讚一乘甚深微妙。能信受
者。卽得成佛。故諸大弟子各得授記。然此一乘。乃
眾生本具正因之佛性也。今以如來方便開示。說
此妙法。以爲助顯之緣。因無不了悟。乃堪荷負。以
今證昔。既知大通之本因。緣緣至今而不失。則知

今日一會之法緣。又爲將來無盡之種子。所謂凡
有聞法者。無一不成佛。乃至一念隨喜者。卽得菩
提。故以法師標品。以心爲師。故名法師。意在今以
賢法華之正因。要託法師以開顯。以爲將來窮劫之
伏勝緣。蓋佛性種子。要借緣熏。熏有新舊。大通爲舊
熏。今乃新熏也。法師有五種。謂隨喜。讀誦。受持。書
冊。寫解說。但能一種。卽名法師。以此經已有如來全
身。故能持者。卽爲荷擔如來。故當敬侍如佛。以顯
殊勝妙法。要假人弘。則使佛種不斷。故毀謗者。其
罪甚重。以斷佛種性故也。由是以見如來出世本

法華通義卷九
三
懷已周。故次授記。此品來也。

爾時世尊因藥王菩薩告八萬大士。藥王。汝見是大
眾中。無量諸天。龍王。夜叉。乾闥婆。阿脩羅。迦樓羅。緊
那羅。摩睺羅伽。人。與非人。及比丘。比丘尼。優婆塞。優
婆夷。求聲聞者。求辟支佛者。求佛道者。如是等類。咸
於佛前聞妙法華經一偈一句。乃至一念隨喜者。我
皆與授記。當得阿耨多羅三藐三菩提。

此下廣記八部。以示平等大慈。極顯持經之益也。
前白毫光中所見。若諸佛子。種種因緣而求佛道。
是則前諸授記。乃三乘人。種種因緣而求佛道者。

也。又曰。諸求三乘人。若有疑悔者。佛當爲除斷。是
知現前八部。皆求三乘之人也。追其昔因。此輩豈
非大通智勝之遺塵乎。然此等輩。佛佛出世。皆爲
護法。則聞法之緣業已熟矣。况今聞此妙法一偈
一句。乃至一念隨喜者。皆與授記。當得菩提。以示
平等佛慧。故與現前一授記。以顯妙法之勝益
也。此特告藥王者。乃忘身捨執。妙契此法。能持之
人。卽爲持經者之師表也。

佛告藥王。又如來滅度之後。若有人聞妙法華經。乃
至一偈一句一念隨喜者。我亦與授阿耨多羅三藐

三菩提記。

此懸記未來持法之人也。如來滅後。此法在世。卽法身常住。故若聞一偈一句。乃至一念隨喜者。已有成佛真種。如人食少金剛。終竟透皮而出。無不成佛之理也。故亦爲授記。此但言隨喜者。下正示

六種法師。

若復有人。受持讀誦。解說書寫。妙法華經。乃至一偈。於此經卷。敬視如佛。種種供養。華香瓔珞。末香塗香。燒香繒蓋。幢幡衣服。伎樂。乃至合掌恭敬。藥王當知。是諸人等。已曾供養十萬億佛。於諸佛所。成就大願。

愍眾生故。生此人間。藥王。若有人問。何等眾生於未來世當得作佛。應示是諸人等。於未來世必得作佛。此示六種法師。正是持經之人也。謂此六種持經之人。能敬此經如佛。而供養恭敬者。是人則已。曾供多佛。宿福深厚。成就大願而來者。若有人問。何等眾生於未來當得作佛。我應示是諸人等。必當作佛也。天台判六種法師。當五品觀行位。卽以隨喜妙法。爲成佛真種。故必得作佛無疑矣。寂音謂脩多羅。有觀照二門。是妙方便。故凡言於此經受持。讀誦。書寫。演說者。觀照方便之力也。五品觀行

者。謂一隨喜。二讀誦。三說法。四兼行六度。五正行六度。言隨喜者。問隨喜何法。答妙法。妙法者。卽此心也。妙心體具。如如意珠。心佛及眾生。是三無差別。此心卽空。卽假。卽中。常境無相。常智無緣。無緣而緣。無非三觀。無相而相。三諦宛然。是故五種法師。必得作佛者。觀行之力也。故東印土國王。請二十七祖齋王。問尊者。何不看經者。曰。貧道出息不涉眾緣。入息不居陰界。常轉如是經。百千萬億卷。是知持經所重。觀照持心。非循行數墨。執紙墨文字。爲成佛之因也。

何以故。若善男子善女人。於法華經乃至一句。受持
讀誦解說書寫。種種供養經卷。華香瓔珞末香塗香
燒香。繒蓋幢幡衣服伎樂。合掌恭敬。是人一切世間
所應瞻奉。應以如來供養而供養之。當知此人是
大菩薩。成就阿耨多羅三藐三菩提。哀愍眾生。願生此
間。廣演分別妙法華經。何況盡能受持種種供養者。
藥王當知。是人自捨清淨業報。於我滅度後。愍眾生
故。生於惡世。廣演此經。若是善男子善女人。我滅度
後。能竊爲一人說法華經。乃至一句。當知是人則如
來使。如來所遣行如來事。何況於大眾中廣爲人說。

法華通義卷九
三三
此徵釋上持經緣勝所以也。上言能持一句。則具
六種法師之功德。何況能持全經。然在惡世演此
法經者。是人定是淨土果人。示生惡世者也。若如來
滅後。有能竊爲一人說此經一句者。是人卽是如
來所使。行如來事之人。何況爲眾廣演者乎。以持
苦如來之慧命故也。

藥王。若有惡人以不善心。於一劫中。現於佛前。常毀
罵佛。其罪尙輕。若人以一惡言。毀訾在家出家。讀誦
法華經者。其罪甚重。

此戒勿輕毀持經之人也。佛體如空。毀之如唾空。

耳。持經之人。慧命所係。毀之則斷佛種。故罪不容
悔。

藥王。其有讀誦法華經者。當知是人。以佛莊嚴。而自
莊嚴。則爲如來肩所荷擔。其所至方。應隨向禮。一心
合掌。恭敬供養。尊重讚歎。華香瓔珞。末香塗香。燒香
繒蓋。幢幡衣服肴饌。作諸伎樂。人中上供。而供養之。
應持天寶。而以散之。天上寶聚。應以奉獻。所以者何。
是人歡喜說法。須臾聞之。卽得究竟阿耨多羅三藐
三菩提故。

此勉敬事持經之人。如敬佛者。以能持此心。則全

體是佛。則爲如來肩所荷擔。不但荷擔如來也。昔佛上忉利天爲母說法。優闍王與諸弟子思慕世尊。因目連等三十二人往詣天宮。以旃檀香造如來像。請回人間四眾瞻禮。及世尊自天宮回。見像作禮。讚曰。我滅度後。賴汝於震旦國。度人無量。然一香像。尙能持佛慧命。况持此經之人乎。然如來肩所荷擔。隨所至方。尊重供養。宜矣。所應尊重如此者。以歡喜說。須臾聞。卽得菩提故也。

爾時世尊欲重宣此義而說偈言。

若欲住佛道

成就自然智

常當勤供養

受持法華者其有欲疾得一切種智慧
當受持是經并供養持者若有能受持
妙法華經者當知佛所使愍念諸眾生
諸有能受持妙法華經者捨於清淨土
愍眾故生此當知如是人自在所欲生
能於此惡世廣說無上法應以天華香
及天寶衣服天上妙寶聚供養說法者
吾滅後惡世能持是經者當合掌禮敬
如供養世尊上饌眾甘美及種種衣服
供養是佛子冀得須臾聞若能於後世

受持是經者

我遣在人中

行於如來事

此總頌持經之勝益也。佛道高遠不易住。自然智妙出天然。不易成。但當供養持經之人。則皆易矣。一切種智。佛果智也。積劫修因。然後乃得。今但持此經。并供養持者。則疾得矣。是知妙法全體。在經與人也。故持經之人。非如來所使其孰能之。諸有能受持下八句頌。捨清淨業報等文。應以下四句頌。既是果人。故應當供養也。吾滅後下十二句言惡世難持。能持難聞。幸聞故當敬禮供養。冀得須臾聞也。所以惡世能持者。非如來所遣。則不能也。

若於一劫中
常懷不善心
來未作色而罵佛
獲無量重罪
其有讀誦持
是法華經者
須與加惡言
其罪復過彼
有人求佛道
而於一劫中
合掌在我前
以無數偈讚
由是讚佛故
得無量功德
歎美持經者

其福復過彼
於八十億劫
以最妙色聲

及與香味觸
供養持經者
如是供養已

若得須臾聞
則應自欣慶
我今獲大利

藥王今告汝
我所說諸經
而於此經中

法華最第一

法華通義卷九
三六

此頌較毀讚之罪福也。如長行可知。毀者之罪如
此。而讚者獲福。又如彼所重慧命不斷也。於八十
億劫下八句頌。以長時之供養慶須臾之得聞。以
供乃人天小善。聞乃直得菩提。故爲獲大利也。藥
王下四句頌。結勝益。以諸經中。此法華經爲第一
出故。

爾時佛復告藥王菩薩摩訶薩。我所說經典。無量千
萬億。已說今說。當說而於其中。此法華經最爲難信
難解。藥王。此經是諸佛秘要之藏。不可分布。妄授與
人。諸佛世尊之所守護。從昔已來。未曾顯說。而此經

者。如來現在猶多怨嫉。況滅度後。

此下顯法深妙。承上第一。誠勿輕授也。三世諸佛所說經無量萬億。卽釋尊所說諸經亦無量萬億。唯獨此法華經難信難解者。以是諸佛秘要之藏。故諸佛所寶。故不可妄授匪人。一向守護。久默而未顯說者。以如來現世猶多怨嫉。如退席之儔。況滅後乎。所以慎勿輕授也。

藥王當知。如來滅後。其能書持讀誦供養。爲他人說者。如來則爲以衣覆之。又爲他方現在諸佛之所護念。是人有大信力及志願力。諸善根力。當知是人與

如來共宿。則爲如來手摩其頭。

此言如來滅後。惡世難持能持者。一以仗佛覆護。二以自有三種大力也。佛以忍辱爲衣。謂心體妙法。住寂滅。忍是如來以衣覆之也。隨順覺性。故爲諸佛所護念也。徹信自心。爲大信力。志以此法普施眾生。爲大志願力。承事諸佛。心無疲厭。爲善根力。妙契法身。故與如來共宿。念佛故應忍。故爲如來摩頭安慰也。苟非具斯數者。而於惡世持經難矣。

藥王。在在處處。若說若讀。若誦若書。若經卷所住處。

皆應起七寶塔。極令高廣嚴飾。不須復安舍利。所以者何。此中已有如來全身。此塔應以一切華香瓔珞。繒蓋幢幡伎樂歌頌。供養恭敬。尊重讚歎。若有人得見此塔。禮拜供養。當知是等。皆近阿耨多羅三藐三菩提。

此言經卽如來法身全體。故在處皆應起塔也。以法身無依。以塔爲依。故此塔卽應種種供養也。見塔禮拜。以親近法身故。卽近菩提。

藥王。多有人在家出家。行菩薩道。若不能得見聞讀誦書持供養。是法華經者。當知是人未善行菩薩道。

法華通義卷九
三十一
若有得聞是經典者。乃能善行菩薩之道。其有眾生
求佛道者。若見若聞是法華經。聞已信解受持者。當
知是人得近阿耨多羅三藐三菩提。

此言妙法爲菩薩修行求佛之本也。凡有僧俗欲
行菩薩道。而不聞此經。是人未善行菩薩道者。以
不達本故也。大經云。忘失菩提心。而修諸善根。是
爲魔業。以心外取法故。所謂達本情亡。知心體合。
所以爲善。故得聞是經。乃可以爲善行也。此則乃
佛知見。若聞是經。信解受持者。則爲開佛知見。故
得近菩提。下設喻以明其善行。

藥王。譬如有人渴乏須水。於彼高原穿鑿求之。猶見
乾土。知水尙遠。施功不已。轉見濕土。遂漸至泥。其心
決定知水必近。

此喻求法之要。爲善行之譬也。水喻正因佛性。高
原喻煩惱深厚。穿鑿喻觀照研窮。乾土喻未見佛
性。故云去水尙遠。施工不已。喻觀行漸進。濕土喻
分見真理。至泥喻法流不遠。故云知水必近。是則
濕土如聞般若。泥則若聞此經也。及聞此經。更須
假觀照之功。方便悟入。乃見佛性真源。所謂與如
來法流水接也。由是觀之。若以文字語言爲得者。

正謂依他作解。塞自悟門。若望消渴而得清涼者。難矣。故經云。近之而已。前云寶處在近。此云知水必近。又云得近菩提。不言到而云近。宗門所謂語忌十成者耶。

菩薩亦復如是。若未聞未解。未能修習。是法華經。當知是人去阿耨多羅三藐三菩提尚遠。若得聞解。思惟修習。必知得近阿耨多羅三藐三菩提。所以者何。一切菩薩阿耨多羅三藐三菩提皆屬此經。此經開方便門。示真實相。是法華經藏。深固幽遠。無人能到。今佛教化成就菩薩而爲開示。

此以法合也。此經乃諸佛之慧命。菩薩修行。若未
聞。未解。未能修習。此經者。則去菩提尚遠。以向被
無明煩惱所覆。如乾土也。若得聞解思修。以觀照
方便。則近菩提。如鑿井見泥。然菩薩修行必要依
此經者。以一切菩提皆屬此經故。以此經開方便
門。示真實相故。此法華經藏。卽眾生如來藏也。若
未開示。蘊在識藏。以此識藏。菩薩地盡不能盡知。
唯佛能知。故云深固幽遠。無人能到。非大根亦不
能信。故今佛爲菩薩開示。不入餘眾生手也。

藥王。若有菩薩。聞是法華經。驚疑怖畏。當知是爲新

發意菩薩。若聲聞人。聞是經驚疑怖畏。當知是爲增
上慢者。

此言非機難信也。若菩薩聞而驚怖者。乃新發意
者。聲聞聞而驚怖者。皆增上慢人。皆非機也。

藥王。若有善男子善女人。如來滅後。欲爲四眾說是
法華經者。云何應說。是善男子善女人。入如來室。著
如來衣。坐如來座。爾乃應爲四眾廣說斯經。如來室
者。一切眾生中大慈悲心是。如來衣者。柔和忍辱心
是。如來座者。一切法空是。安住是中。然後以不懈怠
心。爲諸菩薩及四眾廣說是法華經。

此示說經之方。所謂教菩薩法也。歷言敬說經者。供養如佛。故敬說者。非徒事口舌。必須具佛之體。所說與佛心相應。體佛之心也。故云。入如來室。著如來衣。坐如來座。乃可說法。安身爲室。夫法身非身。以眾生爲身。故曰慈悲所緣。緣苦眾生。則佛以慈悲爲室也。覆體爲衣。佛本無我。無我則無物可對。無物可對。則物莫能傷。潛身於忍。則無我之至。故以忍辱爲衣也。逸心爲座。心空則寂滅。寂滅則聲如谷響。說無所說。故以法空爲座也。如來身心語言爲若此。菩薩能具此體。安住其中。然後以不

懈怠心爲四眾說。如是乃可名爲說經者。否則欲其敬事如佛難矣。

藥王。我於餘國遣化人爲其集聽法眾。亦遣化比丘。比丘尼優婆塞優婆夷聽其說法。是諸化人聞法信受。隨順不逆。若說法者在空閒處。我時廣遣天龍鬼神乾闥婆阿脩羅等聽其說法。我雖在異國。時時令說法者得見我身。若於此經忘失句逗。我還爲說令得具足。

此言說者體佛之行。則感佛護助弘宣也。前云。若我弟子未受化者。若我滅後。於餘國作佛。更有異

念名而度脫之。今云如來滅後。有如是依法說是經
者。我於他方。必遣化人。爲聽法眾。先信是法。令不
柔信者信也。若說法者在空閒處。我必廣遣八部。爲
護法。使無魔擾也。不但遣人。卽我親現其身於其
人前。若有忘失句逗。我必爲說。令通利無遺失也。
當以如來滅後。濁惡世中。持經者難。非仗如來加被
力。攝受。何能令法久住哉。

爾時世尊欲重宣此義而說偈言。

欲捨諸懈怠

應當聽此經

是經難得聞

信受者亦難

如人渴須水

穿鑿於高原

猶見乾燥土

知去水尚遠

漸見溼土泥

決定知近水

藥王汝當知

如是諸人等

不聞法華經

去佛智甚遠

若聞是深經

決了聲聞法

是諸經之王

聞已諦思惟

當知此人等

近於佛智慧

若人說此經

應入如來室

著於如來衣

而坐如來座

處眾無所畏

廣爲分別說

大慈悲爲室

柔和忍辱衣

諸法空爲座

處此爲說法

若說此經時

有人惡口罵

加刀杖瓦石

念佛故應忍

我千萬億土

現淨堅固身

於無量億劫 爲眾生說法 若我滅度後
能說此經者 我遣化四眾 比丘比丘尼
及清淨士女 供養於法師 引導諸眾生
集之令聽法 若人欲加惡 刀杖及瓦石
則遣變化人 爲之作衛護 若說法之人
獨在空閒處 寂寞無人聲 讀誦此經典
我爾時爲現 清淨光明身 若忘失章句
爲說令通利 若人具是德 或爲四眾說
空處讀誦經 皆得見我身 若人在空閒
我遣天龍王 夜叉鬼神等 爲作聽法眾

是人樂說法

分別無罣礙

諸佛護念故

能令大眾喜

若親近法師

速得菩薩道

隨順是師學

得見恆沙佛

此頌初四句。總顯法勝。信受者不易。捨懈怠者。心

不與世情和合。是真精進。以心契妙法。名精進行。

故欲捨懈怠。當聽此經也。如人下六句。設喻。藥王

下十句。法合。若人下十四句。言體佛行。我千萬億

土下三十六句。佛助弘宣。爲現光明身等。乃現身

面言說加持也。諸佛護念。正謂教菩薩法。佛所護

念也。若親近下四句。結勸言得見恆沙佛者。所謂

恆沙性德。總在心源。隨順心師。則性德顯矣。

齊此已前九品。判爲開佛知見者。開有二意。在佛則爲眾開。示開顯開發。要令聞者自信此心。在機則爲開悟。以眾生久迷。不信自心。今聞佛說。則恍然了悟。所謂悟心之士。如蓮華開。經雖通言四種知見。約義則上十品經通顯。如來出世本懷。諸大弟子。一向不知佛心。故多疑佛說。甚至以佛爲魔。今則決信無疑。方顯開悟此心之象。宗門所謂的信自心是佛。直到不疑之地。故判屬開字。古德槩以前爲說三周法。授三根記。法師一品爲授廣記。

以圓該前記。諦觀經義。獨重持經之人。極言妙法
之益者。以眾生向不知有。今既知有。當須奉重。不
可妄授匪人。所謂非器不傳。通顯開佛知見之義
耳。

妙法蓮華經通義卷第九

然下部... 妙法蓮華經通義卷第九... 開顯開佛知見之義... 妙法蓮華經通義卷第九... 開顯開佛知見之義... 妙法蓮華經通義卷第九... 開顯開佛知見之義...

妙法蓮華經通義卷第十

經文卷四中

明南嶽沙門憨山釋德清述

見寶塔品第十一

此品來意判爲示佛知見者。以顯示如來常住法身。直指淨土實報眞境。欲令眾生知此見此法身境界。乃爲佛之知見。一往但以言說開曉。今則的以實事指示。故此品單約示字也。惟此法身眞境。經初一光東照。圓現法界事相。生佛始終。乃通示眾生心境之妙。由當機未悟妙心。乃以識情思量。所謂情生智隔。不達目前。便是將謂非已智分。今

蒙如來種種開示。當機已信佛言。自知作佛。各得授記。是乃雖信自心。然猶未信實相真境。此則生滅之見未忘。淨穢之執未謝。故世尊至此將顯法身常住。故七寶妙塔從地涌出。多寶如來全身現在。以消生滅之見。卽此娑婆三變淨土。以祛淨穢之執。且十方諸佛充滿其中。以彰法界塵塵刹刹。觸目皆是實相真境。此乃佛之真知見也。故此品爲示佛知見。當授記已畢。故此品來也。然塔高五百由旬。塔中多寶全身不散者。以示眾生。卽此五蘊生滅身心。便是常住法身安宅也。就此娑婆三

變皆成淨土者。以示華藏莊嚴實報真境。不離五濁業用也。此特示毘盧遮那依正實報莊嚴之一斑。欲令眾生知此心境之妙。即可目前現證。不生佛道長遠之怖也。引權入實意見於此。何以明之。此經所明開方便門。示真實相。何謂真實相。以我毘盧遮那曠劫修因。所證法身真佛。所居寂光真土。從法垂報。千丈盧舍那佛所居實報莊嚴淨土。而此身土皆真。故爲真實之相。而釋迦乃從報垂應之化身。其所居之土皆與民同患。乃娑婆五濁之穢土。而此身土皆假。故凡施設。一往說法。皆以

法華通義卷一
一
爲權。所謂方便門者是也。由盧舍那初成正覺。現
千丈身。坐菩提場。說華嚴經。而二乘在座。如盲如
聾。是雖身土皆真。而教法俱實。奈何獨被大機小
根絕分。故入剎那際三昧。雙垂兩相。二始同時。正
說華嚴。不妨示應化身。入相成道。於鹿野苑。將一
乘法。分別說三。以接小機。所謂以方便力。爲說四
諦十二因緣六度等同攝三根。雖有教菩薩法。總
屬權教。正如長者誘引諸子。許以三車。非實有也。
故未盡如來出世本懷。以諸弟子未見法身眞境。
故經云。我本立誓願。欲令一切衆。如我等無異意。

欲直令眾生親證如來法身境界。以趣華藏莊嚴之實果。方稱本懷。柰何下劣之徒。一向執權當實。更不前進。且於佛所說疑而不信。故費世尊四十年來種種方便淘汰之功。今已純熟。且化緣將畢。故於此會直吐本懷。開除昔日三乘之權。以顯一乘之實。經中長者家業之富。正喻華嚴一乘圓妙之法也。以諸聲聞但認釋迦應身之佛。以爲真。不知尙有真佛也。但見娑婆穢土之可厭。不達實相真境也。故生滅之見。淨穢之情。一向執恪而不捨。以不達唯心所現故。將說此經。先放白毫一光。普

照東方萬八千世界。洞示法界之真境。卽在眾生
日用之間。此非心識思量分別可到。故重假方便
種種開示。大眾各信自心。遂一一授記成佛。正若
華嚴所言。初發心時。知一切法。卽心自性。成就慧
身。不由他悟。此但了心真。不達境實。心境未融。未
是成佛真因。猶屬眾生知見。未是佛之知見也。故
前授記。已顯心真。今說此品。以顯境妙。直指目前
現證。故特剎爲示佛知見。故云以事指陳。以洗小
乘從前宿習知見。易於修證。方盡如來出世之本
懷也。此品來意幽遠。非細心參詳。殊難領會。但融

觀華嚴。自知此中歸趣。

爾時佛前有七寶塔。高五百由旬。縱廣二百五十由旬。從地涌出。住在空中。種種寶物而莊校之。五千欄楯。龕室千萬。無數幢旛。以爲嚴飾。垂寶瓔珞。寶鈴萬億。而懸其上。四面皆出多摩羅跋梅檀之香。充徧世界。其諸旛蓋。以金銀琉璃。碑磬碼碯。眞珠玫瑰。七寶合成。高至四天王宮。三十三天。雨天曼陀羅華。供養寶塔。餘諸天龍。夜叉。乾闥婆。阿脩羅。迦樓羅。緊那羅。摩睺羅伽。人非人等。千萬億眾。以一切華香。瓔珞旛蓋。伎樂。供養寶塔。恭敬尊重讚歎。

法華通義卷一
四

此正指示佛知見也。佛知見者，乃自覺聖智所知
聖所見，乃一真法界真境也。惟此法界，乃法身之安
實宅，報化依之而起也。故諸佛證之爲一切種智，報
身踞之爲華藏莊嚴，化身以之爲神通妙用，眾生
界迷之爲五蘊身心，八萬四千煩惱，修心之士
若不洞見一真法界，總屬門外。止宿草菴，不爲實
證。故此三周開說已圓。佛前寶塔出現，爲示佛知
見之象也。然法身無依，以法界爲依。法界者，寂滅
爾之心也。寶塔者，寂滅之境也。五百由旬者，喻眾生
五蘊身心，卽是寂滅真境也。縱廣二百五十由旬

音者。喻迷此法界。卽此身心不出二十五有也。從地
涌出者。喻無明心地若破。寂滅之境現前。所謂生
滅既滅。寂滅現前。則此五蘊身心本無所有。故云
住在空中。種種寶物而莊校者。喻此法界本非斷
滅。具有恆沙稱性功德神通妙用也。高出四天。則
非四大可拘也。諸天散華八部作供者。喻此法界
本爲諸天之所奉重。八部之所守護。元非寂寞無
人之地也。

爾時寶塔中出大音聲。歎言。善哉善哉。釋迦牟尼世
尊。能以平等大慧。教菩薩法。佛所護念。妙法華經。爲

法華通義卷一
五
大衆說如是如是。釋迦牟尼世尊。如所說者皆是眞實。

此言塔中出聲以示寂而能說。非斷滅也。歎言善哉善哉等。以讚釋迦能稱法界體以平等大慧說此妙法華經也。如是如是者。印證所說皆究竟如法界也。所說皆是眞實。證其所說不妄也。前世尊歷對弟子自謂言不虛妄。今塔音現證釋迦說寂滅法。意要三乘必信。以此印定羣機也。

爾時四衆見大寶塔住在空中。又聞塔中所出音聲。皆得法喜。怪未曾有。從座而起。恭敬合掌卻住一面。

此四眾見塔喜怪也。喜者七寶妙塔忽然涌出。住
在空中甚爲希有。固可喜也。而塔中出聲甚可怪
也。若悟塔中所出音聲。則一切音聲皆寂滅矣。大
眾不知所以。然而然。故合掌住立。冀佛開示也。
爾時有菩薩摩訶薩。名大樂說。知一切世間天人阿
脩羅等心之所疑。而白佛言。世尊。以何因緣有此寶
塔從地涌出。又於其中發是音聲。

此當機見塔爲眾疑請也。大樂說菩薩請者。以寂
滅之法。乃離言之道。苟非樂說。則終絕言矣。淨名
云。雖復不依言語道。亦復不著無言說。樂說之義

也。塔非無故而現。故請說其因緣。

爾時佛告大樂說菩薩。此寶塔中有如來全身。乃往過去東方無量千萬億阿僧祇世界。國名寶淨。彼中有佛。號曰多寶。其佛行菩薩道時。作大誓願。若我成佛。滅度之後。於十方國土。有說法華經處。我之塔廟。爲聽是經故。涌現其前。爲作證明。讚言善哉。彼佛成道已。臨滅度時。於天人大眾中。告諸比丘。我滅度後。欲供養我全身者。應起一大塔。其佛以神通願力。十方世界。在在處處。若有說法華經者。彼之寶塔。皆涌出其前。全身在於塔中。讚言善哉。善哉。大樂說。今多

寶如來塔。聞說法華經。故從地涌出。讚言善哉善哉。此說塔現之因也。塔中有如來全身者。然塔喻眾生五蘊身中。有如來全身。所謂幻化空身。卽法身也。楞伽云。如來藏自性清淨。轉三十二相入於一切眾生身中。如大價寶垢衣所纏。今國名寶淨。乃如來藏出纏離垢之象也。佛號多寶法身。乃如來藏以具有恆沙稱性功德。故名多寶。其佛行菩薩道時。誓願滅後。凡十方說法華經處。塔現作證者。以多寶本以妙法得證法身。故凡說經處法身卽現。在法會中聞說妙法。苟能開佛知見。則此五蘊

法華通義卷一
身。心。頓。見。法。身。全。體。此。作。證。之。象。也。彼。佛。成。道。已。
臨。滅。囑。供。全。身。以。大。塔。者。正。顯。離。相。滅。相。究。竟。涅。
槃。常。寂。滅。相。之。法。也。其。佛。以。神。通。下。至。塔。中。讚。言。
善。哉。善。哉。等。者。所。謂。寂。而。能。演。徧。十。方。以。此。經。卽。
法。身。全。體。若。佛。知。見。一。開。卽。出。現。作。證。也。上。敘。多。
寶。之。因。緣。大。樂。說。結。示。今。緣。也。

是時大樂說菩薩以如來神力故。白佛言。世尊。我等
願欲見此佛身。

此法會願見塔中多寶佛身也。法身顯現。雖是以
已智力。須仗佛威神。故假佛神力以請。

佛告大樂說菩薩摩訶薩。是多寶佛有深重願。若我
寶塔爲聽法華經故。出於諸佛前時。其有欲以我身
示四眾者。彼佛分身諸佛。在於十方世界說法盡還
集一處。然後我身乃出現耳。大樂說。我分身諸佛在
於十方世界說法者。今應當集。大樂說。白佛言。世尊。
我等亦願欲見世尊分身諸佛。禮拜供養。

此世尊許見。且述多寶本願。將集分身。以顯三身
一體。正破二乘向認化身之執也。大樂說下。世尊
當集分身。大眾將因多寶。亦願得見分身諸佛。
爾時佛放白毫一光。卽見東方五百萬億那由他恆

河沙等國土諸佛。彼諸國土皆以玻璃爲地。寶樹寶衣以爲莊嚴。無數千萬億菩薩充滿其中。徧張寶幔。寶網羅上。彼國諸佛以大妙音而說諸法。及見無量千萬億菩薩徧滿諸國爲眾說法。南西北方四維上下。白毫相光所照之處亦復如是。

此光召分身諸佛也。初將說此經佛入無量義處三昧。放白毫一光照東方萬八千世界。圓現法界事相。生佛始終。蓋舉法界一隅以彰妙法全體。意顯諸佛出世始終。不出刹那際三昧。其所說法皆光中之事。文殊引燈明之本始。是顯示佛之知見。

欲令大眾開悟也。大眾不悟。故如來出定。方便演說。所謂開方便門。至引大通智勝成佛之事。初入三昧。十方世界而皆大明。是開示佛之知見也。而下根眾生。雖悟往昔之因緣。而未親證實相之真境。故三周說法。尚帶言說。今既廣記現在未來。凡有聞法者。無一不成佛。抑恐小乘執相之徒。名言習氣未忘。情存生滅淨穢之見。難造一真之境。故假寶塔涌出。多寶現身。光召十方諸佛。三變淨土。乃卽五蘊以見法身。就目前以證實相。正是指示佛之知見也。故放白毫一光。卽見東方五百萬億

恆沙國土諸佛等者。示五道眾生皆住諸佛一真
之地也。見諸佛菩薩爲眾說法者。示眾生動亂妄
想。卽諸佛菩薩恆演法音也。光中不現眾生生死
三乘求道等事者。以今直證法身。以名教菩薩法。
故不言其餘種種也。今說十方諸佛皆釋迦之分
者。然佛有三身。乃從法垂報。從報垂化。今示三身
一體。意顯釋迦卽多寶分身。卽釋迦法化冥一之
象也。所謂佛身充滿於法界。普現一切羣生前。隨
緣赴感靡不周。而恆處此菩提座。今分身齊集。共
證妙法。以顯十方諸佛道同。古今一際。釋迦所說

眞實不虛。意顯無邊刹境。自他不隔於毫端。十世古今。始終不離於當念也。至若三變淨土。意顯穢卽是淨。娑婆卽華藏。目前全是實相眞境。故光中諸國皆七寶莊嚴也。初一光顯示。次三周開示。今此會指示。乃盡佛之知見耳。此正極諸佛之神力。發揚此事。所謂長者并會國王親族。將付家業。一大事因緣。圓會於此。非特爾也。

爾時十方諸佛各告眾菩薩言。善男子。我今應往娑婆世界。釋迦牟尼佛所。并供養多寶如來寶塔。此十方諸佛因光召而將集也。

法華通義卷一
時娑婆世界卽變清淨。瑠璃爲地。寶樹莊嚴。黃金爲繩。以界八道。無諸聚落村營城邑。大海江河山川林藪。燒大寶香。曼陀羅華徧布其地。以寶網幔羅覆其上。懸諸寶鈴。唯畱此會眾。移諸天人置於他土。

此變土以容分身諸佛。所謂示真實相也。一眞法界本無淨穢。但隨心轉變。以娑婆穢土原是華藏。只以染惡眾生所集。故穢惡充滿。土石諸山高下不平。二乘不達唯心。妄生欣厭。取捨以見。心外有法。故一向執取涅槃。不起一念度生之心。故怖之如牢獄。畏之如桎梏。是未見穢土本淨。眾生本空。

耳。今如來此會特爲指示佛之知見。只欲了達一
眞平等法界。明悟心境。皆眞徹見諸法實相。是則
三周開示。乃開方便門。今多寶出現。三變淨土。所
謂示眞實相也。然娑婆本淨。但眾生無明覆心。智
光未發。故妄見其穢。今佛放白毫光。徧照十方。顯
示唯心境界。開佛知見。則剎塵心念。皆佛出興。卽
此穢邦。變成淨土。故經云。容受分身諸佛。故三變
淨土也。淨穢唯心。不假餘力。但因光照。而云卽變。
顯此娑婆卽是華藏。故琉璃爲地。寶樹莊嚴等。一
眞平等。故無諸聚落山川等。總入神通大光明藏。

法華通義卷一
二一
故燒大寶香。是爲眾生成佛因地。故華布其地。萬
行彌滿。皆是法音。故寶網羅覆懸。諸寶鈴。眾生本
空。故移諸天人置於他土。苟開佛知見。則當下情
忘頓見實相眞境矣。昔華嚴會上。二乘如盲。今則
分明顯現目前。是所謂示佛知見也。

是時諸佛各將一大菩薩以爲侍者。至娑婆世界各
到寶樹下。一一寶樹高五百由旬。枝葉華果次第莊
嚴。諸寶樹下皆有師子之座。高五由旬。亦以大寶而
校飾之。爾時諸佛各於此座結跏趺坐。如是展轉徧
滿三千大千世界。而於釋迦牟尼佛一方所分之身。

猶故未盡。

此東方分身諸佛來集也。諸佛各將一大菩薩以爲侍者。意顯果因一契也。寶樹高五百由旬。寶座高五由旬。意明開佛知見。則念念佛現。不離五蘊身心也。諸佛各於此座結跏趺坐者。所謂不離當處也。徧滿三千大千世界。一方所分之身。猶故未盡者。意顯重重無盡也。

時釋迦牟尼佛欲容受所分身諸佛故。八方各更變二百萬億那由他國。皆令清淨。無有地獄餓鬼畜生及阿脩羅。又移諸天人置於他土。所化之國亦以璠

琉璃爲地。寶樹莊嚴。樹高五百由旬。枝葉華果次第嚴飾。樹下皆有寶師子座。高五由旬。種種諸寶以爲莊校。亦無大海江河。及目真鄰陀山。摩訶目真鄰陀山。鐵圍山。大鐵圍山。須彌山等諸山。王通爲一佛國土。寶地平正。寶交露幔徧覆其上。懸諸旛蓋。燒大寶香。諸天寶華徧布其地。釋迦牟尼佛爲諸佛當來坐故。復於八方各更變二百萬億那由他國。皆令清淨。無有地獄餓鬼畜生及阿脩羅。又移諸天人置於他土。所化之國亦以琉璃爲地。寶樹莊嚴。樹高五百由旬。枝葉華果次第莊嚴。樹下皆有寶師子座。高五由旬。

亦以大寶而校飾之。亦無大海江河。及目真鄰陀山。摩訶目真鄰陀山。鐵圍山。大鐵圍山。須彌山等諸山。王通爲一佛國土。寶地平正。寶交露幔徧覆其上。懸諸旛蓋。燒大寶香。諸天寶華徧布其地。心卷五十六
此二變三變淨土。將廓法界真境也。前初變淨土。業已通變娑婆而爲一淨土矣。但容東方所分身佛已充滿其中。似無容針之地矣。尙不能盡。是一方之佛有餘。而全土之境不足。則分身之多可知。今於娑婆之外。八方各更變二百萬億那由他國。皆令清淨。是則境又不止一娑婆也。問曰。華藏界

法華通義卷一
三
中獨一娑婆而爲穢土。以有三惡道穢惡充滿。其餘佛土悉皆清淨。今娑婆之外所更變者。皆有三途人天。且隱惡道而移天人。又似娑婆同土也。且前已通變而東方諸佛已充滿矣。今更三變者。果何土耶。答曰。此意甚深。是顯法界無邊。以明眾生妄緣無盡也。然娑婆一土。釋迦化境。常言三千大千世界而已。諦觀滿慈得記。以恆河沙等三千大千世界爲一佛土。是知娑婆非止一三千大千而已。以眾生迷本法界真心。全體變爲無明妄想。是迷則徧迷。乃全變法界而爲眾生界也。斯則眾生

充滿法界。豈一娑婆可能容受哉。所謂恆河沙等三千大千通爲一土是也。然各隨所見局爲一土耳。故華藏通多淨土者。以隨諸佛菩薩淨心所見。以卽迷爲悟。故卽穢而淨。以隨眾生妄心所見。故卽淨而穢。今令眾生開佛知見。是卽迷返悟。故卽無量劫來生死妄想。今一念全體轉爲諸佛智用。故釋迦十方分身來集之象也。以妄想無盡。故佛亦無邊。然境隨心變。今真心旣轉。而眞境隨轉。所以娑婆之外。八方各更變二百萬億那由他國土。將廓法界之量。今且猶是分轉。非全轉也。若全轉

者豈有方向名數哉。今以無盡妄想轉爲佛智。則宜乎佛多而境迫。豈一娑婆可能容受哉。然三變文云。爲諸佛當來坐。故復於八方各更變二百萬億等。是知眾生今已開佛知見。則妄想永絕。自今念念諸佛現前。是爲諸佛當來坐也。問曰。所云全迷法界。今旣開悟。卽當一時全轉。何假三變淨土次第而然耶。答曰。此正顯如來有大方便。引攝眾生之意。以眾生垢重。不能頓見法界全體。故向設三乘之權。引令漸進。然執權之徒。知見狹劣。如來不敢遽以全體示之。所謂若說是事。皆當驚疑。恐

其驚怖而不信故說無量種種方便而引導之。然
今雖信佛心而猶未見實相真境。故假三變淨土
以示之。然初變娑婆者以二乘一向但見三界生
死可怖。故生厭離而求涅槃。不敢復入。此正眾生
知見也。今示娑婆卽是淨土。以破二乘欣厭取捨
之心也。次於八方各更變者。是引二乘趣向法界
欲令捨權從實。前至寶所。不生退怯之心也。次爲
諸佛當來坐故。於八方各更變二百萬億等者。乃
引權教菩薩令人究竟佛慧也。將窮法界實際。乃
今姑爲三乘劣解。略示少分而已。豈能盡舉全體

大用哉。是知已變之外。淨土不可思議。正是諸佛
功德無量無邊。諸佛智慧甚深無量者。此耳。前云
其智慧門難解難入。若非如來善巧開示。廣大神
力。以多寶之事而略示之。則智慧門終竟難解難
入也。卽今變土集佛之事。二乘何從而知解耶。此
所謂示佛知見也明矣。然所變之土。皆云寶華徧
布其地。乃明示此佛知見。爲成佛眞因也。

爾時東方釋迦牟尼所分之身。百千萬億那由他。恆
河沙等國土中諸佛。各各說法。來集於此。如是次第
十方諸佛。皆悉來集。坐於八方。爾時一一方。四百萬

億那由他國土諸佛如來徧滿其中。是時諸佛各在寶樹下。坐師子座。皆遣侍者問訊釋迦牟尼佛。各齎寶華滿掬。而告之言。善男子。汝往詣耆闍崛山釋迦牟尼佛所。如我辭曰。少病少惱。氣力安樂。及菩薩聲聞眾悉安隱不。以此寶華散佛供養。而作是言。彼某甲佛與欲開此寶塔。諸佛遣使亦復如是。

此言東方分身諸佛既集。則十方次第而集也。娑婆之外。二三各變二百萬億佛土。故八方各四百萬億。今已徧滿。意顯佛身充滿塵塵刹刹無盡無盡也。諸佛各在寶樹下坐師子座者。所謂而恆處

法華通義卷一
此菩提座也。各遣侍者問訊釋迦佛。佛未親見者。所謂法身無有彼此迭相見故。各齎寶華滿掬供佛者。顯此妙法爲成佛真因故。問訊之辭。以見釋迦示現與民同病之意也。
二十六

爾時釋迦牟尼佛見所分身佛悉已來集。各各坐於師子之座。皆聞諸佛與欲同開寶塔。卽從座起。住虛空中。一切四眾起立合掌。一心觀佛。於是釋迦牟尼佛以右指開七寶塔戶。出大音聲。如卻關鑰。開大城門。卽時一切眾會皆見多寶如來於寶塔中坐。師子座全身不散。如入禪定。又聞其言。善哉善哉。釋迦牟

尼佛快說是法華經。我爲聽是經故而來至此。爾時四眾等見過去無量千萬億劫滅度佛說如是言。歎未曾有。以天寶華聚散多寶佛及釋迦牟尼佛上。

此釋迦開多寶塔以示法身出現也。佛身如空無所依。以塔在虛空而釋尊欲開寶塔亦住虛空者。是示法身體同之象也。以右指開七寶塔戶。示自性爾開發不勞餘力也。如卻關鑰開大城門者。歷劫堅固無明妄想忽然迸裂。法身頓現。宗門所謂因地一聲也。眾會皆見多寶如來全身不散。如入禪定者。示眾生自性開發。則現前五蘊身心頓見法身。

法華通義卷一
全體顯現心境。當處寂滅之象也。爲聽是經而來
至此者。以所說妙法。深契法身真際也。眾喜散華
者。各示真因之象也。

爾時多寶佛於寶塔中。分半座與釋迦牟尼佛。而作
是言。釋迦牟尼佛。可就此座。卽時釋迦牟尼佛入其
塔中。坐其半座。結跏趺坐。爾時大眾見二如來在七
寶塔中。師子座上。結跏趺坐。各作是念。佛坐高遠。惟
願如來以神通力。令我等輩俱處虛空。卽是釋迦牟
尼佛以神通力。接諸大眾皆在虛空。
此多寶分座。釋迦入塔共坐者。示五蘊緣生之佛。

前與法身同體。真應不二之象也。大眾見二如來。作
聖念佛座高遠。俱願處空者。正顯二乘向以佛道長
爾遠爲怖。今佛知見既開。則真見遠而不遠。俱願親
近佛地可期之象也。佛以神力接眾在空者。顯二
乘人。非佛神力方便接引。無由得近佛慧也。四十
年來接引之功。乃取效於今日耳。豈小緣哉。

以大音聲普告四眾。誰能於此娑婆國土廣說妙法
華經。今正是時。如來不久當入涅槃。佛欲以此妙法
華經付囑有在。

此言護念付囑之事也。妙法華經。如來護念之法

也能持此經。則爲護念之人矣。苟有持者。則此法
華付囑有在。如來出世本懷。爲一大事。唯此而已。故
華法若有所付。則大事畢矣。所謂唯此一事。更無餘
事。故云不久當入涅槃。正如長者將終。若得其子
委付家業。志願畢矣。由是觀之。佛祖接人。直可得
到法身邊。若法身向上事。則當於佛未出世。祖未
西來時。薦取不待今也。

爾時世尊欲重宣此義。而說偈言。
聖主世尊。雖久滅度。在寶塔中。尙爲法來。
諸人云何。不勤爲法。此佛滅度。無央數劫。

處處聽法 以難遇故 彼佛本願 我滅度後

在在所往 常爲聽法 又我分身 無量諸佛

如恆沙等 來欲聽法 及見滅度 多寶如來

各捨妙土 及弟子眾 天人龍神 諸供養事

令法久住 故來至此 爲坐諸佛 以神通力

移無量眾 令國清淨 諸佛各各 詣寶樹下

如清淨池 蓮華莊嚴 其寶樹下 諸師子座

佛坐其上 光明嚴飾 如夜闍中 然大炬火

身出妙香 徧十方國 眾生蒙熏 喜不自勝

譬如大風 吹小樹枝 以是方便 令法久住

告諸大眾	我滅度後	誰能護持	讀說斯經
今於佛前	自說誓言	其多寶佛	雖久滅度
以大誓願	而師子吼	多寶如來	及與我身
所集化佛	當知此意	諸佛子等	誰能護法
當發大願	令得久住	其有能護	此經法者
則爲供養	我及多寶	此多寶佛	處於寶塔
常遊十方	爲是經故	亦復供養	諸來化佛
莊嚴光飾	諸世界者	若說此經	則爲見我
多寶如來	及諸化佛	諸善男子	各諦思惟
此爲難事	宜發大願	諸餘經典	數如恆沙

雖說此等	未足爲難	若接須彌	擲置他方
無數佛土	亦未爲難	若以足指	動大千界
遠擲他國	亦未爲難	若立有頂	爲眾演說
無量餘經	亦未爲難	若佛滅後	於惡世中
能說此經	是則爲難	假使有人	手把虛空
而以遊行	亦未爲難	於我滅後	若自書持
若使人書	是則爲難	若以大地	置足甲上
升於梵天	亦未爲難	佛滅度後	於惡世中
覽讀此經	是則爲難	假使劫燒	擔負乾草
入中不燒	亦未爲難	我滅度後	若持此經

爲一人說 是則爲難 若持八萬 四千法藏

十二部經 爲人演說 令諸聽者 得六神通

雖能如是 亦未爲難 於我滅後 聽受此經

問其義趣 是則爲難 若人說法 令千萬億

無量無數 恆沙眾生 得阿羅漢 具六神通

雖有是益 亦未爲難 於我滅後 若能奉持

如斯經典 是則爲難 我爲佛道 於無量土

從始至今 廣說諸經 而於其中 此經第一

若有能持 則持佛身 諸善男子 於我滅後

誰能受持 讀誦此經 今於佛前 自說誓言

此聖主下十句頌。因多寶。勉眾意。在得人付囑也。彼佛下四句頌。多寶本願。又我下十二句頌。化佛來集。爲證妙法。欲令久住。故爲坐下四句頌。三變淨土。諸佛各各下十八句頌。諸佛畢集。歎美容儀淨妙。如清池蓮華。光明照曜。如夜炬火。妙香普熏。眾生觸者。心喜神悅。如大風吹小樹枝。言披靡傾倒。喜不自持也。諸佛來儀如此。爲令妙法久住。故告諸大眾下十四句。求持法之人。能護持者。當自發願。多寶與我。及諸化佛。當作證也。諸佛子等。下二十句。再求能持說者。則爲見我及供多寶。并諸

化佛也。所以再三求持經者。既已開示佛之知見。貴在能持。使佛種不斷。若視爲尋常。則有負如來今日之大事因緣也。持經必教發願者。以惡世難持。欲令信力堅固。不得遇緣生退怯耳。故下文歷言其難。諸善男子。下八句。令諦思此經難持。不若諸經之易易。慎勿輕忽。故令發願而後持也。若接須彌下十六句。言說經之難。若手接須彌。指動大千。固已爲難。而神通者能之。有頂諸天。智慧難越。而慧辯過勝者亦能超之。唯有此經於惡世中。最爲難說。以人多弊惡多。怨難信故也。假使有人下

八句言書難。虛空難把。楞嚴阿難既悟。則觀十方
虛空。如手持葉物。是則虛空猶可把也。若此經者。
寂滅離言之道。豈得而書之耶。是以書之爲難也。
若以大地下八句。讀難。大地至重。梵天至高。足甲
至微。置大地於足甲而昇梵天。神通廣大者不難。
不若惡世讀此經爲難也。假使下八句持難。負乾
草入劫火而不燒。亦未爲難。惡世眾生暴惡煩惱
火中能持此經。是爲難也。若持八萬下十二句。聽
難。八萬四千法藏。以文言敷演。何足爲難。獨此經
之實相無量義趣。而能聽聞。是爲難也。若人說法

下十二句。奉難。若有人善說法。令諸聞者得羅漢
六通。此亦未難。能持此經。卽得菩提。故爲難耳。我
爲佛道。下八句。顯所以難。言我自成佛以來。從始
至今。於無量土。所說諸經。蓋無量矣。皆隨機之談。
獨有此經。開示一乘佛性。凡有持者。疾得菩提。故
爲第一。若能持此經。則全持佛身。慧命不斷。然非
大根。堅固。忍力。實難持也。諸善男子。下六句。令持
者發誓。只欲堅其願力也。上通頌難持。下欲難持。
此經難持。若暫持者。我則歡喜。諸佛亦然。
如是之人。若諸佛所歎。是則勇猛。是則精進。

是名持戒 行頭陀者 則爲疾得 無上佛道

能於來世 讀持此經 是真佛子 住淳善地

佛滅度後 能解其義 是諸天人 世間之眼

於恐畏世 能須臾說 一切天人 皆應供養

此頌難持能持。故我及諸佛歡喜讚歎也。然持此

經。非紙墨文字之謂也。要亡言得旨。頓契佛心。是

爲勇猛精進。則是總持萬行。頓斷煩惱。故爲持戒

頭陀。不歷多劫。頓登佛地。所以躉持。卽有如是大

益也。能於來世。下入句。承上大益。故惡世能持。是

眞佛子。能解其義。則爲世間眼目。以開佛知見也。

法華通義卷一
三
於恐畏下四句。結能說者當如供佛也。問曰。多寶
證法。化佛畢集。世尊更無他說。獨以持經苦口叮
嚀。再三四者何也。答曰。以佛知見。眾生之迷固已
久矣。遠自大通塵點劫來。一向迷之而不悟。已費
吾佛生生世世隨之教化。業經無量不可思議劫
數矣。直至今日。猶勞四十年之方便開示。現前信
解者。幾何人哉。是謂佛法之難遇也。如此。今既開
示。若不堅力持之。則恐此後一失。又不知更經塵
點之劫。未審可如今日之聽聞也。若此法失持。則
佛種斷絕。豈細事哉。正如大富長者。創業艱難。勤

苦累世而致富有家業。苟無克家之子而持守之。若一旦散失。難求再昔也。此其世尊苦口叮嚀再三勸持者。蓋此意也。已前十品通爲開示佛之知見。總名信解。故向後諸品多言持經之功。以顯悟佛知見。既悟守之爲難也。

妙法蓮華經通義卷第十

妙法蓮華經通義卷第十一

經文卷四下

明南嶽沙門憨山釋德清述

提婆達多品第十二

此品來意。連下十品。通爲悟佛知見也。以前三周開示。爲開佛知見。諸二乘人。但信此心而已。雖信心真。未達境妙。故現寶塔一品。直示境妙。名爲示佛知見。此下名爲悟佛知見者。以諸聲聞。雖信自心作佛。猶有歷劫無明未盡。從來狹劣知見習氣未忘。雖云信解。猶屬知解。故須多方妙行調治。乃得法身淳淨。抑恐此輩涉俗利生。不善方便。故預

示種種守護之方。由從妙行乃得悟入。使其不墮
凡情不生驚怖。此正如來廣大慈悲。所謂預留醫
方之意也。向下通顯行證。臨文各有所屬。此判悟
之之初。而以提婆達多名品者。以顯悟有難易。以
行爲本也。以諸聲聞久懷佛道長遠之怖。故不起
一念好樂之心。今雖蒙授記。且又經歷多劫。乃得
證果。抑恐引起宿習。不肯勤求。故世尊自引本事。
雖爲國王。乃不惜身命而求妙法。由此苦行。遂至
今日得證菩提。此悟之難。乃漸悟也。又恐下劣之
輩。畏難而不進。故又說文殊所化七歲龍女成佛。

之事以見其易。且海爲生死沈溺之地。龍乃三毒之首。女爲陰邪垢濁之器。此最難化者。而獻珠之頃。當下成佛。何其易易耶。此頓悟也。良以親近大智爲依歸故。意令當機於佛滅後。當親最勝知識。可保妙悟之極。永不墮二乘之地。故悟之首以立言漸頓。故此品來也。

爾時佛告諸菩薩及天人四眾。吾於過去無量劫中。求法華經。無有懈倦。於多劫中。常作國王。發願求於無上菩提。心不退轉。爲欲滿足六波羅密。勤行布施。心無吝惜。象馬七珍。國城妻子。奴婢僕從。頭目髓腦。

身肉手足。不惜軀命。時世人民。壽命無量。爲於法故。捐捨國位。委政太子。擊鼓宣令。四方求法。誰能爲我。說大乘者。吾當終身供給。走使。時有仙人來白。王言。我有大乘名妙法華經。若不違我。當爲宣說。王聞仙言。歡喜踊躍。卽隨仙人供給所須。采果汲水。拾薪設食。乃至以身而爲牀座。身心無倦。於時奉事經於千歲。爲於法故。精勤給侍。令無所乏。

此佛自敘往昔勤求妙法之難。以警二乘懈怠之心也。言無量劫中求法華經。無有懈倦者。則求法之心。非一劫矣。况多劫中常作國王而勤求之。又

非尋常之人矣。且爲求法故。象馬等外施也。頭目
等內施也。捐捨國位。則一切施也。然有說妙法者。
願終身走使。伏勞忍苦。忘我之至也。時有仙人應
求而爲說。則精誠所感也。王聞卽歡喜。隨侍執勞
而不厭。乃至以身爲床座。而不倦。且經千歲長時
而不辭。給時周足。此求法之心。何其勤苦長遠耶。
且現前二乘之人。得授記者。各人自揣求法之心。
會有如是之精誠乎。是則我今爲說法王大寶。諸
人不求而自至。豈可尋常易視哉。是則將來歷事
多佛。固應體我如是之心。方名持法之人也。古云。

法華通義卷十一
三
既悟守之爲難。苟無克苦堅強。何以得成聖果。故
首告悟心以此。

爾時世尊欲重宣此義而說偈言。

我念過去劫 爲求大法故 雖作世國王

不貪五欲樂 椎鐘告四方 誰有大法者

若爲我解說 身當爲奴僕 時有阿私仙

來白於大王 我有微妙法 世間所希有

若能修行者 吾當爲汝說 時王聞仙言

心生大喜悅 卽便隨仙人 供給於所須

采薪及果蓏 隨時恭敬與 情存妙法故

身心無厭倦

普爲諸眾生

勤求於大法

亦不爲己身

及以五欲樂

故爲大國王

勤求獲此法

遂致得成佛

今故爲汝說

我念過去下二十二句通頌世尊往昔求法之精
勤也阿私陀此云無比乃佛過去之本師若法有
比則不能令求者忘身至此也普爲諸眾生下八
句頌昔求法之難而今爲眾說之易也欲令大眾
知所重故

佛告諸比丘爾時王者則我身是時仙人者今提婆
達多是由提婆達多善知識故令我具足六波羅密

法華通事卷十一
四
慈悲喜捨三十二相八十種好紫磨金色十力四無所畏四攝法十八不共神通道力成等正覺廣度眾生皆因提婆達多善知識故。

此佛述昔師仙人爲今提婆達多正示刻苦爲成佛之因也。提婆達多此云天熱生時人天心皆熱故以爲名。又母禱天而生故亦云天授斛飯王子。佛之從弟然事逆行。世世專意害佛。今則更甚。常以毒藏十指甲。禮佛接足。足不傷而指自壞。又與阿闍世王謀欲殺佛。而自爲新佛。王縱五百醉象踏佛。佛以手指指現師子象皆攝伏。又推大石

壓佛地神遮之。石碎迸其小者。中佛足流血。因是
陷入地獄。佛遣使問其安否。報曰。我處此如四禪
天樂。又問幾時出地獄。答曰。待世尊來入地獄。我
當方出之。其五逆類如此。害之非一世也。今云提婆
卽昔說妙法之仙人。而言由提婆達多善知識故。
令我具足六波羅密。慈悲喜捨等。所以得成正覺。
廣度眾生者。皆因提婆達多善知識故。是則如來
今日佛果。皆因提婆而成。其恩重不可言矣。其實
皆以怨害。世尊歸重如此者。足知佛果難成。所謂
或示怨家。以怨害折磨。堅其精進不退之忍力。非

此何以得至今日哉。所謂彼一闡提。非一闡提。世
間解脫誰轉。世尊述此。蓋因前品極言持法之難。
以惡世多怨。故欲二乘得記之人。將來持經。處於
惡世。當觀如來。因提婆之怨。害得成菩提。然後乃
能無退怯心。卽取佛果無難。故當悟守之初。必若
佛事提婆爲嘉範。然後方能令法久住也。賦贈文
告諸四眾。提婆達多。却後過無量劫。當得成佛。號曰
天王如來。應供。正徧知。明行足。善逝。世間解。無上士。
調御丈夫。天人師。佛。世尊。世界名天道。時天王佛住
世二十中劫。廣爲眾生說於妙法。恆河沙眾生得阿

羅漢果。無量眾生發緣覺心。恆河沙眾生發無上道
心得無生忍。至不退轉。時天王佛般涅槃後。正法住
世二十中劫。全身舍利起七寶塔。高六十由旬。縱廣
四十由旬。諸天人民。悉以雜華末香燒香塗香衣服
瓔珞幢幡寶蓋伎樂歌頌禮拜供養七寶妙塔。無量
眾生得阿羅漢果。無量眾生悟辟支佛。不可思議眾
生發菩提心。至不退轉。

此與提婆達多授記而不列於諸弟子中者。以是
世尊本師故。且以磨礪砥行。堅固如來之忍力。以
成菩提。故居悟守之首。而爲惡世持經之範也。佛

號天王者。謂由怨害。令佛強忍。以至天然。而得大自在。故感果如之。國名天道者。謂佛佛成道。未有不由忍苦而成自然之理也。常說妙法。蓋因中始。以妙法教釋尊。故果上常說。而眾生聞妙法。俱得三乘之果者。正示法一而機異也。時天王佛滅後。供塔之人。皆得三乘之果者。亦由因行所感也。

佛告諸比丘。未來世中。若有善男子善女人。聞妙法華經。提婆達多品。淨心信敬。不生疑惑者。不墮地獄。餓鬼畜生。生十方佛前。所生之處。常聞此經。若生人中。受勝妙樂。若在佛前。蓮華化生。

此言未來有聞此品信敬而不疑者。則永不墮三途。乃至若在佛前。蓮華化生者。以見世尊。求法之難。多怨成就之力。而於妙法。精持堅忍不退之益。中故獲如此之勝報也。

於時下方多寶世尊所從菩薩。名曰智積。白多寶佛。當還本土。釋迦牟尼佛告智積曰。善男子。且待須臾。此有菩薩。名文殊師利。可與相見。論說妙法。可還本土。

此下方智積請多寶佛當還本土者。以證法事畢。不宜久住。意表證悟未忘。猶存法執。必返一絕跡。

法華通義卷一
一
兩忘能所。方爲妙悟。宗門所謂悟之一字。亦須吐
卻。乃返本還源之象也。釋迦畱之以待文殊者。表
以所悟妙法。融爲觀照。消磨法執。方盡持法之妙
也。故待文殊。可與相見論說妙法。

爾時文殊師利。坐千葉蓮華。大如車輪。俱來菩薩。亦
坐寶蓮華。從於大海娑竭羅龍宮。自然涌出。住虛空
中。詣靈鷲山。從蓮華下。至於佛所。頭面敬禮二世尊
足。修敬已畢。往智積所。共相慰問。卻坐一面。

此言文殊坐寶蓮華從海涌出者。表悟心者如蓮
華開。妙智現前。藏識海中。挺然獨露也。至於佛所。

禮二尊足者。始覺之智合乎本覺之象也。往智積
所共相慰問者。二智冥會之象也。非此不足以言

大妙悟。

智積菩薩問文殊師利。仁往龍宮所化眾生其數幾
何。文殊師利言。其數無量不可稱計。非口所宣。非心
所測。且待須臾。自當證知。所言未竟。無數菩薩坐寶
蓮華。從海涌出。詣靈鷲山。住在虛空。此諸菩薩皆是
文殊師利之所化度。具菩薩行。皆共論說六波羅密。
本聲聞人在虛空中說聲聞行。今皆修行大乘空義。
文殊師利謂智積曰。於海教化其事如是。

此問文殊所化之眾。言其數無量不可稱計者。謂
本生死大海。三毒窟宅。非大智不能深入。非妙法不
能轉煩惱而爲妙行也。以智起惑忘。則無數煩惱
當體清淨。故無數菩薩坐寶蓮華。詣靈鷲山。住在
空中也。煩惱一轉。則一切行皆是佛行。故皆修行
大乘空義也。故文殊曰。我於海教化其事如是。

爾時智積菩薩以偈讚曰。

大智德勇健

化度無量眾

今此諸大會

及我皆已見

演暢實相義

開闡一乘法

廣導諸眾生

令速成菩提

此智積偈讚文殊。初四句。謂非大智勇健。不能化
此多眾。次四句。謂非妙法。不能轉變。如此之速。

文殊師利言。我於海中。唯常宣說妙法華經。

此文殊重答前偈。謂唯常宣說妙法華經。更無別
法。意顯妙法成就之速。故下問可有速得成佛之
人。

智積問文殊師利言。此經甚深微妙。諸經中寶。世所
希有。頗有眾生。勤加精進修行。此經速得佛不。

智積重問文殊。言妙法甚深。可有眾生。依之修行。
速得佛否。此問要顯妙法之功甚速。故爾。

法華通義卷十一
九
文殊師利言。有娑竭羅龍王女。年始八歲。智慧利根。善知眾生諸根行業。得陀羅尼。諸佛所說甚深祕藏。悉能受持。深入禪定。了達諸法。於剎那頃發菩提心。得不退轉。辯才無礙。慈念眾生。猶如赤子。功德具足。心念口演。微妙廣大。慈悲仁讓。志意和雅。能至菩提。智積菩薩言。我見釋迦如來。於無量劫難行苦行。積功累德。求菩提道。未曾止息。觀三千大千世界。乃至無有如芥子許。非是菩薩捨身命處。爲眾生故。然後乃得成菩提道。不信此女於須臾頃。便成正覺。

此文殊深讚八歲龍女利根。依此妙法修行。而能

卽至菩提此其人也海中異類三毒穢濁柔弱女
身而能具如是勝妙之德者正顯生死垢濁煩惱
之體本是成佛智用也故云能至菩提且云刹那
發心卽得不退者所謂一念轉移之力也此實常
情所難信故智積生疑釋迦多劫修因乃得菩提
何以龍女須臾便成正覺所謂得其旨者等諸佛
於刹那失其門者徒修因於曠劫正顯妙法勝能
天非頃久淨穢之情可計也

言論未訖時龍王女忽現於前頭面禮敬卻住一面
以偈讚曰

深達罪福相

徧照於十方

微妙淨法身

具相三十二

以八十種好

用莊嚴法身

天人所戴仰

龍神咸恭敬

一切眾生類

無不宗奉者

又聞成菩提

唯佛當證知

我闡大乘教

度脫苦眾生

此龍女現證以消狹劣滯相之執也。執釋迦之久修見龍女之罪垢是皆不達罪福性空唯文殊大智徧照則了無異相。一際平等何遲速之有哉。我闡大乘教度脫苦眾生意在唯持妙法以度眾生也。

時舍利弗語龍女言。汝謂不久得無上道。是事難信。所以者何。女身垢穢。非是法器。云何能得無上菩提。佛道懸曠。經無量劫。勤苦積行。具修諸度。然後乃成。又女人身猶有五障。一者不得作梵天王。二者帝釋。三者魔王。四者轉輪聖王。五者佛身。云何女身速得成佛。

此身子生疑。正示二乘執相之見也。如身子所見。女身五障。絕無成佛之分。此蓋常情所共執。以不達法性本空。了無男女淨穢之相。知此可入平等實相矣。

爾時龍女有一寶珠。價直三千大千世界。持以上佛。佛卽受之。龍女謂智積菩薩尊者。舍利弗言。我獻寶珠。世尊納受。是事疾不。答言。甚疾。女言。以汝神力。觀我成佛。復速於此。當時眾會。皆見龍女。忽然之間。變成男子。具菩薩行。卽往南方無垢世界。坐寶蓮華。成等正覺。三十二相。八十種好。普爲十方一切眾生演說妙法。

此龍女自示成佛之速也。龍之所鍾愛者珠。今龍女獻珠之頃。當下成佛者。表能頓斷法愛。則佛性現前。所謂稟明於心。不假外也。龍女忽然變成男

子者。示佛性無常了無男女之相。正破二乘執相之執也。卽往南方言明正爲南表離無明暗。則藏性頓顯。佛體現前。卽往南方無垢世界坐寶蓮華成等正覺也。以從妙法得悟。故普爲眾生演說妙法。因身子生疑。故龍女卽變男子。當下成佛。所以激發二乘。正謂個個丈夫。不若一弱女也。

爾時娑婆世界菩薩聲聞天龍八部人與非人。皆遙見彼龍女成佛。普爲時會人天說法。心大歡喜。悉遙敬禮。無量眾生聞法解悟。得不退轉。無量眾生得受道記。無垢世界六反震動。娑婆世界三千眾生住不

退地。三千眾生發菩提心而得受記。智積菩薩及舍利弗。一切眾會默然信受。

此法會蒙益也。無垢世界六種震動者。轉染令淨。頓悟唯心之象也。娑婆眾生住不退地而得授記者。因龍女激發而獲勝益。智積身子大眾之疑頓釋。故默然信受。以此品顯示忍力堅固。當如釋迦之精勤。自無疲厭之心。知龍女之速證菩提。自無佛道長遠之怖。此世尊以是方便教菩薩也。

持品第十三

此品來意。由前當機開解。已得授記。猶歷多劫成

佛世尊慮恐小乘狹劣習氣未除復生佛道長遠之怖乃自敘往昔求法之難以消疲倦之心復以龍女當下成佛之事以發欣慕之願故次之以持品者蓋此經是諸佛之慧命爲眾生正因之佛性若如來滅後人多弊惡最難奉持苟失其持則佛種斷絕此世尊之隱憂也故諸菩薩默領佛意安慰世尊願不有慮各願奉持廣說此經不惜身命也而五百弟子與學無學人亦領佛意亦各願於餘國廣宣此經以娑婆國土人多上慢自量其力不能化度故也時佛姨母等諸比丘尼向來自視

法華通義卷一
三
女身多障不敢希望佛果。今見龍女成佛之易亦
自信成佛有分。故請世尊特爲授記。因亦願於他
國廣宣此經。以見不退之心也。爾時世尊乃視八
十億那由他菩薩而不言者。意謂諸聲聞人。雖願
持經而未習涉俗利生之行。不知遠害之方法。力
不充。恐被畱難。使法緣不廣。欲諸菩薩以調護之。
故諸菩薩默領佛意。齊發誓願。於如來滅後。周旋
往返十方世界。唯以忍行受持此經。然非已力。皆
是如來神力以守護之。此乃將導初心。所以安慰
如來願不有慮也。然品以持名者。持謂守其所有

而不失之意。猶世俗所謂守業爲難也。譬如大富長者。盡以家業委付其子。儻一失守。則祖脈斷絕。豈細事哉。故此品經文。單說持經之事。以明悟守之難。故此品來也。

爾時藥王菩薩摩訶薩。及大樂說菩薩摩訶薩。與二萬菩薩眷屬俱。皆於佛前作是誓言。惟願世尊。不以爲慮。我等於佛滅後。當奉持讀誦說此經典。後惡世眾生。善根轉少。多增上慢。貪利供養。增不善根。遠離解脫。雖難可教化。我等當起大忍力。讀誦此經。持說書寫。種種供養。不惜身命。爾時眾中五百阿羅漢。得

受記者。白佛言。世尊。我等亦自誓願於異國土廣說此經。復有學無學八千人得受記者。從座而起。合掌向佛。作是誓言。世尊。我等亦當於他國土廣說此經。所以者何。是娑婆國中。人多弊惡。懷增上慢。功德淺薄。瞋濁諂曲。心不實故。

此因世尊前來極言此經難持。而諄諄激勸。且云誰能護持此經。自說誓願。故藥王樂說發願奉持也。以藥王忘身捨執。樂說具樂說辯。所謂以不懈怠心。乃能持耳。故首眾發願。世尊所慮末世難持此經者。以人多弊惡。故藥王願持。先述弊惡之人。

大以善根轉少。難可教化。若欲持經當起大忍力。不
惜身命。此正領前如來教。以入如來室等。及給使
仙人求法之勤苦。如此乃可能持也。以二大士激
勵二乘發起持經之誓願。故五百阿羅漢同時發
心願持。然終不敢遊履娑婆。當於餘國廣宣此經
耳。足見小乘狹劣之心。未能遽捨也。

爾時佛姨母摩訶波闍波提比丘尼。與學無學比丘
尼六千人俱。從座而起。一心合掌。瞻仰尊顏。目不暫
捨。於時世尊告憍曇彌。何故憂色而視如來。汝心將
無謂我不說汝名。授阿耨多羅三藐三菩提記耶。憍

曇彌。我先總說一切聲聞皆已授記。今汝欲知記者。將來之世當於六萬八千億諸佛法中爲大法師。及六千學無學比丘尼俱爲法師。汝如是漸漸具菩薩道。當得作佛。號一切眾生喜見如來。應供正徧知。明行足善逝。世間解無上士。調御丈夫。天人師佛世尊。憍曇彌。是一切眾生喜見佛。及六千菩薩轉次授記。得阿耨多羅三藐三菩提。爾時羅睺羅母耶輸陀羅比丘尼作是念。世尊於授記中獨不說我名。佛告耶輸陀羅。汝於來世百千萬億諸佛法中修菩薩行。爲大法師。漸具佛道。於善國中當得作佛。號具足千萬

光相如來應供。正徧知。明行足。善逝。世間解。無上士。
調御丈夫。天人師。佛。世尊。佛壽無量阿僧祇劫。爾時
摩訶波闍波提比丘尼。及耶輸陀羅比丘尼。并其眷
屬。皆大歡喜。得未曾有。卽於佛前而說偈言。
世尊導師。安隱天人。我等聞記。心安具足。普
諸比丘尼。說是偈已。白佛言。世尊。我等亦能於他方
國廣宣此經。

此佛姨母希記。亦將同眾發起持經之心也。佛常
隨女眾有六千人。皆是新學佛姨母爲首。向以女
身多障。絕無成佛之分。今見龍女成佛。亦各自信

法華通義卷十一
二

作佛。故希望授記。但不敢直請。故以憂色目視如來。欽渴之心。蓋已切矣。故如來呼其名而告之曰。汝所以憂色而視如來者。將無謂我不說汝名而授記耶。然我已先總說千二百聲聞。悉亦當作佛矣。汝今欲特知記者。汝與六千比丘尼。當事六萬二千億佛。皆爲法師。以此說法因緣。漸漸具足菩薩之道。當得作佛。號一切眾生喜見。以說法開示眾生。各各歡喜。故感果號如之。其六千人次第授記。而羅睺羅母耶輸陀羅比丘尼。心亦希記。故世尊亦特爲授記。乃告之曰。汝於來世。亦事多佛。爲

大法師。漸具佛道。將來成佛。號千萬光相者。以因
中爲佛之妻。能不著癡愛。助成如來之萬德。且又
說法。能開眾生之心性。故果號千萬光相。宜矣。既
皆得記。亦誓持此經。然在他方。廣宣終怯娑婆。
以初學法力未充故也。

爾時世尊視八十萬億那由他諸菩薩摩訶薩。是諸
菩薩皆是阿惟越致。轉不退法輪。得諸陀羅尼。卽從
座起。至於佛前。一心合掌。而作是念。若世尊告勅我
等。持說此經者。當如佛教。廣宣斯法。復作是念。佛今
默然不見告勅。我當云何。時諸菩薩敬順佛意。并欲

法華通義卷十一
十七
自滿本願。便於佛前作師子吼。而發誓言。世尊。我等
於如來滅後。周旋往反十方世界。能令眾生書寫此
經。受持讀誦。解說其義。如法修行。正憶念。皆是佛之
威力。惟願世尊在於他方遙見守護。

此世尊願視八十萬億那由他菩薩者。口雖不言。
意謂二乘劣弱。不能於此世界廣宣此經。欲此諸
菩薩末世護持。所謂付囑有在也。以此諸菩薩皆
居不退得總持門。以是十方雲集之眾。堪能荷負
故也。是諸菩薩已契佛心。故敬順佛意。并欲自滿
本願。故於佛前作師子吼。齊發誓言。各願於如來

滅後周旋往來十方世界護持此經。是則不但娑婆一國土也。前世尊云。誰能護持此經。自發誓願。故此諸菩薩深體佛意也。又願世尊於他方遙見守護。以其末世難持。須仗如來威神力故也。即時諸菩薩俱同發聲而說偈言。

惟願不爲慮

於佛滅度後

恐怖惡世中

我等當廣說

有諸無智人

惡口罵詈等

及加刀杖者

我等皆當忍

惡世中比丘

邪智心諂曲

未得謂爲得

我慢心充滿

或有阿練若

納衣在空閒

自謂行真道

輕賤人間者

貪著利養故

與白衣說法

爲世所恭敬

如六通羅漢

是人懷惡心

常念世俗事

假名阿練若

好出我等過

而作如是言

此諸比丘等

爲貪利養故

說外道論義

自作此經典

誑惑世間人

爲求名聞故

分別於是經

常在大眾中

欲毀我等故

向國王大臣

婆羅門居士

及餘比丘眾

誹謗說我惡

謂是邪見人

說外道論義

我等敬佛故

悉忍是諸惡

爲斯所輕言

等皆是佛

如此輕慢言

皆當忍受之 濁劫惡世中 多有諸恐怖

惡鬼入其身 罵詈毀辱我 我等敬信佛

當著忍辱鎧 爲說是經故 忍此諸難事

我不愛身命 但惜無上道 我等於來世

護持佛所囑 世尊自當知 濁世惡比丘

不知佛方便 隨宜所說法 惡口而顰蹙

數數見擯出 遠離於塔寺 如是等眾惡

念佛告勅故 皆當忍是事 諸聚落城邑

其有求法者 我皆到其所 說佛所囑法

我是世尊使 處眾無所畏 我當善說法

願佛安隱住

我於世尊前

諸來十方佛

發如是誓言

佛自知我心

今日靈山一會世尊之可喜者。諸三乘人皆契佛心。各各授記。其所慮者。於惡世中。此經難持。而最難得者。堅忍大力之人。以持之。此世尊之隱憂。恐其佛種斷絕故也。其諸得記聲聞。皆不能已。故默視諸來雲集之菩薩。故此諸菩薩。敬順佛意。誓願弘持。故頌首四句。頌敬順佛意。惡世願持也。其下歷言忍諸難事。以顯難持之所以。有諸無智下四句。通言弊惡之人。後皆出家之魔類。惡世中比丘

一偈通言出家之邪慢。或有阿練下八句言假名
修行之魔類。阿練若云寂靜處。假稱修行。以假爲
眞。妄自尊大。如六通之羅漢也。是人懷惡心。下十
二句頌忍惡心。言破法之情狀。偽造經書。貪求利
養。毀謗賢善。眞魔種也。常在大眾中。下十四句頌
忍毀謗破法之事。此諸邪慢最難忍者。皆當忍之。
濁劫惡世中。下十二句頌忍惡事。言以恐怖惡事
爲惡鬼所附。而撓害之。或罵詈毀辱。以敬信佛故。
忍此諸難。身命尙不愛。况侵害乎。言但惜無上道。
以所重者佛種慧命。其餘一切皆不足計。以護持

法華通義卷十一
三
佛所囑之法爲重故也。世尊自當知下十句頌忍見擯之事。謂所宣經典濁惡比丘不知是佛隨宜所說。將謂我等自造。故惡口而謗。或嘔蹙而憎。甚至見擯。不容安住於塔寺。此世尊自當知此等人。我等念佛告勅付囑之心。則皆當忍此諸惡也。甚矣佛法之難弘宣也。若白衣生謗。尙有可原。今皆佛之弟子自行破壞。弟子不信。則誰當信者。譬如獅子身中蟲。自食獅子身中肉。佛亦無如之何矣。世尊所憂。正若今日也。苟非堅持忍力。何能堪此之怨害乎。諸聚落城邑下八句頌在處弘宣。凡有

求者。我皆身到其所。說佛所囑之法。以是世尊所
使。仗佛威神。故不畏艱難。一一善說。願佛安隱。不
以爲慮也。以一乘佛性種子。其開示在佛。其悟入
在機。故修行之士。苟非堅忍不拔之志。何由徹悟
得到親證實際之地。故須善知識調護。使其漸進
深造。此世尊今日付囑護持此經。是在緣因佛性
也。若但念誦文言。又何難之有。我於世尊下四句
結頌領旨。前寶塔云。我滅度後。誰能護持讀說斯
經。今於佛前自說誓言。故此領旨。故請世尊多寶
并分身佛同作證也。

妙法蓮華經通義卷第十一

蘇合女提維白滿善喜姑出驗智姑請世尊之寶
 辭受而自前寶智云姓慈與於請前遊時斷指獲
 出吾卧念請交言又阿難之有并從世尊不四回
 我教世世轉今日付迦若世世變甚奇緣因轉世
 得降降道實烈之世姑取善吸精隨請對其漸教
 五世姑對言之世法美望惑不解法法法法法法
 以爲教出以一乘物世對千其開示五世其人
 對世對世轉姑不異曠曠一一等爾願轉受則不
 末善世對世法其世法世法世法世法世法世法

妙法蓮華經通義卷第十二

經文卷五上

持隨隨其法華聲明南嶽沙門憨山釋德清述

安樂行品第十四

爾此品來意由寶塔品如來專求持經之人其初心得記之眾雖遵佛敕且懼娑婆人多弊惡不敢橫身皆直願往他方弘宣而藥王樂說敬順佛意誓以忍力持之此雖能行然強力忍詬非初心所能亦非持久之計故文殊特爲啟請末世持經之方以教悟守之法故佛爲說四安樂行意謂惡世諸難自我所招苟自有以處之則自然遠離諸難而

不以爲患。四行具足。乃得悟守之力。方盡持經之妙。故說髻珠之喻。以顯第一之功。故此品來也。惟此四行。品節向以行處。近處。深心。大悲心。四法釋之。義雖有當。臨文未便會通。舊解以正身。正語。正意。大悲心。四法。節文甚明。故今從之。然此四法。以性戒爲主。亦若楞嚴由攝心爲戒而入也。

爾時文殊師利法王子菩薩摩訶薩。白佛言。世尊。是諸菩薩甚爲難有。敬順佛故。發大誓願。於後惡世。護持讀說是法華經。世尊。菩薩摩訶薩。於後惡世。云何能說是經。

此文殊因上藥王樂說等諸菩薩敬順佛意發願於後世持經。故特爲新學菩薩請問持經之法。欲令此等各具遠害之方。不畏弊惡難事也。

佛告文殊師利。若菩薩摩訶薩。於後惡世。欲說是經。當安住四法。

一、此世尊因文殊請。遂說四安樂行。以此弘經。可以遠諸患難也。四行者。正身。正語。正意。大悲。然菩薩涉俗利生。無過自利利他二行而已。三業端正。自利之實也。大悲一行。利他之功也。若三業不正。來難之端也。無慈愍心。則致害之由也。安可以涉俗

乎。此如來垂訓守護家業之嘉範也。二行以智爲
先導。故文殊特請。

一者安住菩薩行處。親近處。能爲眾生演說是經。文
殊師利云。何名菩薩摩訶薩行處。若菩薩摩訶薩住
忍辱地。柔和善順。而不卒暴。心亦不驚。又復於法無
所行。而觀諸法如實相。亦不行分別。是名菩薩摩
訶薩行處。

此別說四法。初正身行也。前法師品教持經之法。
則曰。入如來室。著如來衣。坐如來座。如來室者。大
慈悲心。是如來衣者。忍辱心。是如來座者。諸法空。

是蓋言親近隨順之至也。今此四法廣釋前義。但
王行處近處有理事二行。然必以忍辱爲第一。所謂
著如來衣也。故行處首言住忍辱地者。究竟寂滅
之地也。忍有生忍。無生忍。寂滅忍。生忍者。謂強力
忍詬而未能忘我。我不忘。安能消彼暴戾哉。無生
忍者。謂橫逆之來。但觀心本不生。雖彼以惡加之。
而自心不生。不爲所動。然不動雖安。未能忘物。故
戒勿親近。以防惡覺惡習。乃爲善入無生也。寂滅
忍者。謂觀自他身心本自寂滅。寂滅則心境雙忘。
了無對待。全不見有毀辱之相。故能柔和善順而

法華通義卷十二
三
不卒暴。心亦不驚。是所謂忍辱地。乃入如來室也。
以彼已寂滅。則無毀者。亦無受者。忍相亦無。故曰。
又復於法無所行。若有所行。則彼我未忘。非寂滅
地矣。所以不見有所行者。以觀法如實相。謂當體
寂滅。本自如如。故不見有可行之忍。亦不分別所
忍之辱。此平等不二。能所兩忘。心行處滅。所謂法
空爲座。理行之妙也。是爲行處。

云何名菩薩摩訶薩親近處。菩薩摩訶薩。不親近國
王王子大臣官長。不親近諸外道梵志尼犍子等。及
造世俗文筆讚詠外書。及路伽耶陀。逆路伽耶陀者。

亦不親近諸有兇戲相扱相撲。及那羅等種種變現之戲。又不親近旃陀羅。及畜猪羊雞狗。畋獵漁捕諸惡律儀。如是人等。或時來者。則爲說法。無所希望。又不親近求聲聞比丘比丘尼優婆塞優婆夷。亦不問訊。若於房中。若經行處。若在講堂中。不共住止。或時來者。隨宜說法。無所希求。文殊師利。又菩薩摩訶薩。不應於女人身。取能生欲想相。而爲說法。亦不樂見。若入他家。不與小女處女寡女等共語。亦復不近五種不男之人。以爲親厚。不獨入他家。若有因緣須獨入時。但一心念佛。若爲女人說法。不露齒笑。不現脣。

臆。乃至爲法猶不親厚。况復餘事。不樂畜年少弟子。沙彌小兒。亦不樂與同師。常好坐禪。在於閒處。修攝其心。文殊師利。是名初親近處。

此言初親近處。以戒定爲本也。專戒不親不可親來之人。恐引惡習。多妨正行。卽楞嚴由三漸次入無生忍之意也。不親近國王等。防染富貴驕恣之習。所以妨正念也。不親諸外道。防邪見之習。妨正見也。梵志出家邪見之人。尼犍子在家邪見之人。言不親世俗文筆等。乃妄言綺語雜論。妨正思惟也。言路伽耶陀者。師破弟子之惡論。逆路伽耶陀弟

出子破師之惡論。不親謂妨正知見也。言不親兇險
相叔相撲等者。謂防顛倒散亂之習也。那羅延此
云力。旃陀羅此云嚴幟。謂以惡自嚴如標幟。此妨
寂靜行也。畜猪羊等惡律儀。防殺盜之習也。來者
則爲說法。以消惡念。所謂大慈悲心也。不親求聲
聞等者。防小乘狹劣之習也。楞伽經云。應捨外道
小乘惡見議論。當親近最勝知識。言不問訊。至不
共住止者。防漸染之習也。來時則爲說法。化彼狹
習。令入大道。所謂入如來室也。不親女人等者。防
淫習也。不近不男之人。言非法器。防猥媾邪僻之

習也。不獨入他家。防譏嫌邪染。恐失正念也。爲女人說法。不露齒笑。乃至爲法。猶不親厚。防引姪機。破壞戒心也。不畜年少弟子等者。恐妨安樂行也。觀此近處。卽根本戒品。所謂執身不行。執心不起。其三千威儀。八萬細行。通不出此。楞嚴經云。因戒生定。因定發慧。常好坐禪。則定依戒立也。是名初親近處。猶屬事行。

復次菩薩摩訶薩。觀一切法空。如實相。不顛倒。不動。不退。不轉。如虛空。無所有性。一切語言道斷。不生。不出。不起。無名。無相。實無所有。無量。無邊。無礙。無障。但

以因緣有。從顛倒生故說。常樂觀如是法相。是名菩薩摩訶薩第二親近處。

此第二近處。以觀照爲體。前戒不親近諸惡律儀。深防染習。執心不起。乃無生忍。此觀一切法空。乃寂滅忍。正所謂諸法空爲座也。謂觀一切諸法當體空寂。稱眞實相。了無一法可得。不見有顛倒動轉生滅動亂之相也。以觀諸法本自寂靜。故不生不滅。了無動轉。當體如如。故心境如空。本無所有。若心境寂滅。則一切寂滅。故言語道斷。如是則無毀我者。亦無受者。以絕對待。故無生出起滅之相。

故曰無名無相。一切皆無。則心言路絕。故無量無邊。無礙無障也。以觀諸法。雖寂而非斷滅。故但以因緣假合而有。一切皆從顛倒妄想而生。故有言說耳。此乃安心寂滅之境。所謂住忍辱地。故曰常樂觀如是法相。是名第二親近處。惡世持經妙行。無出此矣。雖云正身。其實三業寂靜。總該萬行。涉俗利生。無尚此矣。

爾時世尊欲重宣此義而說偈言。

若有菩薩於後惡世無怖畏心欲說是經

應入行處及親近處常離國王及國王子

大臣官長 兇險戲者 及旃陀羅 外道梵志

亦不親近 增上慢人 貪著小乘 三藏學者

破戒比丘 名字羅漢 及比丘尼 好戲笑者

深著五欲 求現滅度 諸優婆夷 皆勿親近

若是人等 以好心來 到菩薩所 爲聞佛道

菩薩則以 無所畏心 不懷希望 而爲說法

寡女處女 及諸不男 皆勿親近 以爲親厚

亦莫親近 屠兒魁膾 畋獵漁捕 爲利殺害

販肉自活 街賣女色 如是之人 皆勿親近

兇險相撲 種種嬉戲 諸淫女等 盡勿親近

莫獨屏處 爲女說法 若說法時 無得戲笑

入里乞食 將一比丘 若無比丘 一心念佛

是則名爲 行處近處 以此二處 能安樂說

若有菩薩下至能安樂說六十句通頌行處近處

也初六句總標常離國王下六句頌不近國王兇

戲惡律儀外道四事亦不親近下二十句頌不近

求小乘等寡女下四句頌不近婦女不男等亦莫

親近下十二句頌不近殺盜姪三事莫獨下八句

頌不爲女人說法乞食將一比丘所謂上座阿闍

黎防誤失也阿難無此故誤墮耳一心念佛所謂

心清淨也是則下四句總結二處事行。

又復不行一上中下法二有爲無爲三實不實法

亦不分別四是男是女五不得諸法六不知不見

是則名爲七菩薩行處八一切諸法九空無所有

無有常住十亦無起滅十一是名智者十二所親近處

顛倒分別十三諸法有無十四是實非實十五是生非生

在於閒處十六修攝其心十七安住不動十八如須彌山

觀一切法十九皆無所有二十猶如虛空二十一無有堅固

不生不出二十二不動不退二十三常住一相二十四是名近處

若有比丘二十五於我滅後二十六入是行處二十七及親近處

說斯經時 無有怯弱 菩薩有時 入於靜室

以正憶念 隨義觀法 從禪定起 爲諸國王

王子臣民 婆羅門等 開化演暢 說斯經典

其心安隱 無有怯弱 文殊師利 是名菩薩

安住初法 能於後世 說法華經

又復不行下三十二句。通頌二處理行。初十句頌

於法無所行等。謂其心寂止不起分別也。言不得

諸法。謂無一法可當情故。若不知不見也。此頌行

處理行。一切諸法下二十二句。頌近處理行。空無

所有等。頌觀一切法。空無所有。如實相等。以心言

路絕。故其心安住不動也。觀一切下。頌觀一切法。如虛空義。以諸法如空。故常住一相。若有比丘下六句。結頌二處。釋上能安樂說。以心無怯弱。故安樂耳。菩薩有時下十二句。頌無怯弱之所以。謂菩薩時入禪定。隨義觀法。言如理觀察得諸法正性。以從定起說經。所以心安無怯也。文殊師利下五句。結頌正身行也。

又文殊師利如來滅後。於末法中。欲說是經。應住安樂行。若口宣說。若讀經時。不樂說人。及經典過。亦不輕慢諸餘法師。不說他人好惡長短。於聲聞人。亦不

稱名說其過惡。亦不稱名讚歎其美。又亦不生怨嫌之心。善修如是安樂心故。諸有聽者。不逆其意。有所難問。不以小乘法答。但以大乘而爲解說。令得一切種智。

此正語行也。應住安樂行者。卽上二處。如理觀察。無分別心。然後稱理而說。故無口過也。不說經典。過以達諸法實相。乃佛隨宜所說。故不言其法有過。過者。謂偏空跛驢智慧等也。不慢餘師。以無人我相。故不言人之過也。於聲聞人。不稱名說過。以二乘權教。爲如來方便施設也。不稱名讚歎恐其

執化城爲寶所也不生怨嫌之心以不見有毀我
水者也諸有問者但以大乘法答令得種智此大慈
水悲心也如此可謂善修安樂行矣

爾時世尊欲重宣此義而說偈言

菩薩常樂 安隱說法 於清淨地 而施牀座

以油塗身 澡浴塵穢 著新淨衣 內外俱淨

安處法座 隨問爲說 若有比丘 及比丘尼

諸優婆塞 及優婆夷 國王王子 羣臣士民

以微妙義 和顏爲說 若有難問 隨義而答

因緣譬喻 敷演分別 以是方便 皆使發心

漸漸增益 入於佛道 除懶惰意 及懈怠想

離諸憂惱 慈心說法 晝夜常說 無上道教

以諸因緣 無量譬喻 開示眾生 咸令歡喜

衣服臥具 飲食醫藥 而於其中 無所希望

但一心念 說法因緣 願成佛道 令眾亦爾

是則大利 安樂供養 我滅度後 若有比丘

能演說斯 妙法華經 心無嫉恚 諸惱障礙

亦無憂愁 及罵詈者 又無怖畏 加刀杖等

亦無擯出 安住忍故 智者如是 善修其心

能住安樂 如我上說 其人功德 千萬億劫

算數譬喻。說不能盡。益。受。出。益。之。好。也。無。窮。

此頌正語行也。菩薩常樂下三十六句。通頌正語行。初十句。安隱說法。言內外俱淨也。安隱內淨其心也。淨地。油塗。澡浴。淨衣。外淨也。香油塗身。乃蘇合油。西域以此塗身。取其香而潔也。安處法座。所謂法空爲座。則內外俱空矣。隨問爲說。言不逆其意也。若有比丘。下二十六句。頌說法之儀式也。四眾國王等。求法之人也。以微妙義。謂但說大乘實相之法也。和顏則樂說。隨義而答應。機而說也。皆使發心等。謂大慈悲也。除懶惰懈怠。則勇猛精進。

以法自娛。故離諸憂惱。晝夜常說。則精進之至。咸令歡喜。所謂示教利喜也。衣服臥具。下十句。頌清淨說法。不希利養也。願成佛道。則以法爲供。所謂諸供養中。法供養最。謂以法爲樂。則自受安樂供養。故無外慕耳。我滅度後。下十二句。頌廣前品忍行。以心主於忍。故口無語過。所以能遠諸害也。蓋言諸難。皆從自心不忍而致。以安住於忍。所謂兵無所容其刃。以無死地。故一切皆無矣。智者如是。下八句。結頌正語行也。謂菩薩善修其心。能住安樂。則自無諸難。法利益廣。受化益多。故功德無窮。

說不能盡也。

又文殊師利菩薩摩訶薩於後末世法欲滅時受持
讀誦斯經典者無懷嫉妬諂誑之心亦勿輕罵學佛
道者求其長短若比丘比丘尼優婆塞優婆夷求聲
聞者求辟支佛者求菩薩道者無得惱之令其疑悔
語其人言汝等去道甚遠終不能得一切種智所以
者何汝是放逸之人於道懈怠故又亦不應戲論諸
法有所爭競當於一切眾生起大悲想於諸如來起
慈父想於諸菩薩起大師想於十方諸大菩薩常應
深心恭敬禮拜於一切眾生平等說法以順法故不

多不少。乃至深愛法者。亦不爲多說。文殊師利。是菩薩摩訶薩。於後末世法欲滅時。有成就。是第三安樂行者。說是法時。無能惱亂。得好同學。共讀誦。是經。亦得大眾而來聽受。聽已能持。持已能誦。誦已能說。說已能書。若使人書。供養經卷。恭敬尊重讚歎。皆以此正意行也。意根諸惡煩惱。三毒爲最。嫉妬嗔也。諂媚於上。誑惑於眾。貪與癡也。輕罵學佛道者。求其長短。恐其勝已。三毒發業也。以末法惡世。三毒熾盛之時。持經之人。本爲化彼強暴。爾乃自以三毒逆之。所謂以火益火。名曰溢多。安可以爲善。故

戒持經。自淨其心。與法相應也。若比丘等。謂四眾
有求三乘之道者。毋矜已爲大乘學者。而惱亂彼
人。令其疑悔。返失本行也。當以慈悲調伏攝化。漸
進可也。語其人言下。惱亂之語也。旣不能調攝。而
以逆言加之。譏其所學。去道甚遠。不得種智。又責
其放逸。此言是而心非。故觸動彼心。多生誹謗。是
自致之也。戲論諸法。謂分別大小乘法。空有偏圓。
致起諍競。是皆發於三毒意根未淨。所以不能住
安樂行也。當於一切眾生下。正教持經之法。當以
慈悲爲首也。眾生迷倒。悲愍之心。如一子地。當想

如來之慈。如父之等。愛一子。則無厭倦之心矣。菩薩乃善學佛行。專於利生之人。當如師保之想。以法其行。故於十方菩薩。常應深心恭敬禮拜也。於一切眾生下。教以持經調攝之行也。平等說法。則不以貴賤智愚高下其心。謂以平等大悲而說也。順法。謂離四謗。以有是增益謗。無是損減謗。亦無亦有相違謗。非有非無。戲論謗。以稱法性而說。則離此諸過。故云不多不少。深愛法者。不爲多說。如慈母之養嬰兒。不多與兒酥。恐食不消。返生毒也。末世持經。能住此行。則無能惱亂之人。所謂善修。

其心也。如此則得朋同學。得眾來聽。使法利漸廣。六種之功德自備。此實持經之妙行也。有人如此。孰不樂從其化。豈有怨害之事哉。是所謂真安樂行矣。

爾時世尊欲重宣此義而說偈言。

若欲說是經。當捨嫉恚慢。諂誑邪偽心。常修質直行。不輕蔑於人。亦不戲論法。

不令他疑悔。

云汝不得佛。

是佛子說法。

常柔和能忍。

慈悲於一切。

不生懈怠心。

十方大菩薩。

愍眾故行道。

應生恭敬心。

是則我大師

於諸佛世尊

生無上父想

破於憍慢心

說法無障礙

第三法如是

智者應守護

一心安樂行

無量眾所敬

常此若欲下四句頌初節。質直行。謂直心正念。眞如

法故。則意根三毒等煩惱自捨矣。不輕蔑下四句。

爾頌第二節。輕蔑。眇忽之義。正長行譏其去道甚遠。

謂輕忽之也。是佛子下十二句。頌第三節。然通以

忍爲主也。故曰常柔和能忍。想佛如父。敬菩薩如

師。所以破自己憍慢之心。故說法自無障礙耳。第

三法下。結頌。

又文殊師利菩薩摩訶薩於後末世法欲滅時有持是法華經者於在家出家人中生大慈心於非菩薩人中生大悲心應作是念如是之人則爲大失如來方便隨宜說法不聞不知不覺不問不信不解其人雖不問不信不解是經我得阿耨多羅三藐三菩提時隨在何地以神通力智慧力引之令得住是法中文殊師利是菩薩摩訶薩於如來滅後有成就此第四法者說是法時無有過失

此大慈悲行也前三行卽著如來衣坐如來座此一行所謂入如來室也前法師品但教菩薩法略

舉要行。今此品則廣釋前義耳。然慈能與樂。悲能
拔苦。在家出家。有能信受此法者。則增益其法樂。
國故生大慈心。非菩薩乃不信闡提之人。當愍其愚
迷。而調伏誘引。令生正信。以拔其苦。故生大悲心。
應作是念。下出其悲愍之意。於不信之人。愍其大
難。失所以失者。於如來隨宜所說之妙法。一向不聞。
故不知不覺。且執愚自是。故不問。以不聞。故不信。
人不解。彼既顛愚如此。我終不棄。當成佛時。隨在何
處。地必欲以神通智慧引之。令得住是法中。使其正
因不失。終有成佛之分。此大慈悲之至也。末世持

經具如是四行說法。乃能離諸過失。以妙契佛心。所謂行如來事也。

常爲比丘。比丘尼。優婆塞。優婆夷。國王。王子。大臣。人民。婆羅門。居士等。供養恭敬。尊重讚歎。虛空諸天。爲聽法故。亦常隨侍。若在聚落城邑空閒林中。有人來欲難問者。諸天晝夜常爲法故而衛護之。能令聽者皆得歡喜。所以者何。此經是一切過去未來現在諸佛神力所護故。文殊師利。是法華經於無量國中。乃至名字不可得聞。何況得見受持讀誦。

此通結四行之勝益也。言持經之人。具此四行。則

爲四眾國王等之所供養尊重讚歎。况有毀謗之
至辱乎。虛空諸天常隨守護。豈有魔撓之事乎。若處
無人之境。儻有生心難問者。以諸天衛護神力。使
皆聽者歡喜。安有惱害所加乎。前云我遣諸天龍神
常爲守護。以此經一切三世諸佛神力所護。是知
諸天晝夜常守者。乃如來所遣也。以行契佛行。故
諸佛護念如此也。以此妙法華經。無量國中。名字
尚不得聞。何况得見受持讀誦。以法之難遇。故持
經者固當慎重。是諸佛之慧命。人天之眼目。故不
得不護念。若不聞不信。豈非大失耶。

文殊師利。譬如強力轉輪聖王。欲以威勢降伏諸國。而諸小王不順其命。時轉輪王起種種兵而往討伐。王見兵眾戰有功者。卽大歡喜。隨功賞賜。或與田宅。聚落城邑。或與衣服嚴身之具。或與種種珍寶金銀。琉璃磚磑。碼瑙珊瑚琥珀象馬車乘奴婢人民。唯髻中明珠不以與之。所以者何。獨王頂上有此一珠。若以與之。王諸眷屬必大驚怪。乘之論遊大寶對面

此設輪王髻珠之喻。以况此經不妄與人也。佛王三界稱曰大雄。以能破諸有故。強力輪王威伏諸國。譬力破諸有也。小王不順命。譬五陰煩惱生死。

諸魔背覺合塵。不順覺性也。如來出世爲一大事。特爲攝伏諸魔。故現身說法。始從鹿苑說有破凡。夫執生死之苦。次說般若談空。破二乘厭有之見。以次說深密和會空有。破二乘之偏執。次說楞伽直中。指識藏卽如來藏。頓見佛性。破二乘之權行。是則四十年中所說諸經。以無量無數種種方便。以破三乘之執情。故云起種種兵而往討伐。討謂聲其罪。伐謂破其國。乃彈呵二乘破涅槃城也。然三乘而聞法。各有所證。故譬兵眾有功。論功賞賜也。田地。文。以至奴婢人民等。皆三乘果位功德利用之事也。

獨王髻中明珠不與。譬不卽爲說此法華經也。所
宜以不說者。恐眾驚疑。故不輕說。如髻珠不敢輕賜
也。

文殊師利。如來亦復如是。以禪定智慧力。得法國土。
至於三界。而諸魔王不肯順伏。如來賢聖諸將與之
共戰。其有功者。心亦歡喜。於四眾中爲說諸經。令其
心悅。賜以禪定解脫無漏根力諸法之財。又復賜與
涅槃之城。言得滅度。引導其心。令皆歡喜。而不爲說
是法華經。文殊師利。如轉輪王。見諸兵眾有大功者。
心甚歡喜。以此難信之珠。久在髻中。不妄與人。而今

法華通義卷一
與之。如來亦復如是。於三界中爲大法王。以法教化一切眾生。見賢聖軍。與五陰魔。煩惱魔。死魔。共戰。有大功勳。滅三毒。出三界。破魔網。爾時如來亦大歡喜。此法華經能令眾生至一切智。一切世間多怨難信。先所未說。而今說之。文殊師利。此法華經是諸如來第一之說。於諸說中最爲甚深。末後賜與。如彼強力之王。久護明珠。今乃與之。文殊師利。此法華經諸佛如來秘密之藏。於諸經中最在其上。長夜守護。不妄宣說。始於今日。乃與汝等而敷演之。

此法合也。如來亦復如是。合首節。其有功者下。合

以次節。如轉輪王下。重牒其喻。明獨髻珠不與。如來亦復如是。下重合次節。明諸經皆說。獨不說法華者。以難信故。先所未說。而今說之。是爲希有難信之法。如輪王解髻珠以賜。非上功者不能居也。故云。此經是諸如來第一之說。故末後乃與。正如髻珠以待大功也。此法華經諸佛如來秘密之藏。結顯佛於生死長夜守護四十餘年。以待機也。

爾時世尊欲重宣此義而說偈言。

常行忍辱 哀愍一切 乃能演說 佛所讚經

後末世時 持此經者 於家出家 及非菩薩

應生慈悲

斯等不聞

不信是經

則爲大失

我得佛道

以諸方便

爲說此法

令住其中

譬如強力

轉輪之王

兵戰有功

賞賜諸物

象馬車乘

嚴身之具

及諸田宅

聚落城邑

或與衣服

種種珍寶

奴婢財物

歡喜賜與

如有勇健

能爲難事

王解髻中

明珠賜之

如來亦爾

爲諸法王

忍辱大力

智慧寶藏

以大慈悲

如法化世

見一切人

受諸苦惱

欲求解脫

與諸魔戰

爲是眾生

說種種法

以大方便

說此諸經

既知眾生

得其力已

末後乃爲 說是法華 如王解髻 明珠與之

此經爲尊 眾經中上 我常守護 不妄開示

今正是時 爲汝等說 我滅度後 求佛道者

欲得安隱 演說斯經 應當親近 如是四法

讀是經者 常無憂惱 又無病痛 無顏色鮮白

不生貧窮 卑賤醜陋 眾生樂見 如慕賢聖

天諸童子 以爲給使 刀杖不加 毒不能害

若人惡罵 去口則閉塞 遊行無畏 如師子王

智慧光明 如日之照 聲聞眾 來亦不

此常行忍辱下四句通頌忍行爲本。後末世下十

二句。頌慈悲行。令住其中。謂令安住寂滅法中也。
譬如強力下十六句。頌譬喻。如來亦爾下二十句。
頌法合。法王以忍辱大力而說法。故持經妙行。必
天以忍辱爲最勝也。此經爲尊下六句。頌此經尊上。
不我滅度後下六句。頌結答問意。讀是經者下十四
句。頌持經者能離障遠害也。遊行無畏下四句。頌
持經之人無畏。光明者以心與法一。故正大無畏
今若此也。

若於夢中

但見妙事

見諸如來

坐師子座

諸比丘眾

圍繞說法

又見龍神

阿脩羅等

數如恆沙 恭敬合掌 又自見其身 而爲說法
又見諸佛 身相金色 放無量光 照於一切
以梵音聲 演說諸法 佛爲四眾 說無上法
見身處中 合掌讚佛 聞法歡喜 而爲供養
得陀羅尼 證不退智 佛知其心 深入佛道
卽爲授記 成最正覺 汝善男子 當於來世
得無量智 佛之大道 國土嚴淨 廣大無比
亦有四眾 合掌聽法 又見自身 在山林中
修習善法 證諸實相 深入禪定 見十方佛
諸佛身金色 百福相莊嚴 聞法爲人說

常有是好夢

又夢作國王

捨宮殿眷屬

及上妙五欲。請請行詣於道場。願欲在菩提樹下

而處師子座。合掌求道過七日。自得諸佛之智

成無上道已。起而轉法輪。爲四眾說法

經千萬億劫。說無漏妙法。度無量眾生

後當入涅槃。不如煙盡燈滅。其心

此頌持經之勝益也。若於夢中但見妙事者。以持

經之人。心與理冥。習消垢淨。如水清月現。故妙境

現前。此勝益之應也。見諸如來等十六句。頌夢中

妙事。見佛爲眾說法。又見龍神聽自說法。又見佛

放光說法。佛爲四眾下十二句。又見佛說法。自身處會聞法。得總持證不退具足。因行佛知其心。故爲授記。汝善男子。下八句。言授記之事。又見自身下十句。言得記之後。見自身在山修行。證實相。得禪定。定中又見佛金色莊嚴之身。見已從佛聞法。轉爲人說。又夢作國王。下十六句。言夢作國王。捨其國位。往詣道場。求道七日。遂得佛智。成無上道。乃至說法千萬億劫。度諸眾生化緣。旣畢。當入涅槃。此一夢之中。始終見佛聞法。悟道蒙佛授記。及授記後。又夢見捨國位。求菩提。乃至一生成佛。終

法華通義卷十二
三
至入於涅槃。且經千萬億劫之久。而歷歷事。皆如
前白毫光中所現。諸佛始終一大事。因緣者。蓋未
曾開佛知見。則佛以光相示其成佛始終。不離現
前一念。令其了然明見。今聞妙法。既已開佛知見。
因持經之益。則自見成佛始終。卽億劫長久。只在
當人一念。不離刹那際。令其自信不疑也。然此約
夢說。所謂生死涅槃。猶如昨夢。意令持經之人。四
行成就。當觀諸法。如夢中事。空無所有。了不可得。
此深證實相三昧者之勝益也。奇哉奇哉。夢中見
佛。聞法悟道。又夢入定。定中說法利人。乃至捨位。

求道至成佛度生及入涅槃經無量劫之久。是雖
夢事。豈常情可測識哉。華嚴古今一際。延促同時。
具見於此。以三百餘言。敘無盡之事。非佛妙辯。何
能若此。

若後惡世中 說是第一法 是人得大利
如上諸功德

此頌結四行之勝益也。

妙法蓮華經通義卷第十二